



宋元詩會卷之九

皖桐陳

焯然公輯選

後學程

仕松皋叅較

邵雍

字堯夫其先范陽人徙其城年二十遊河南葬其親伊水上遂為河南人雍少時自雄其才欲樹功名于書無所不讀長而涉歷四方久之幡然未歸曰道在是矣事其城令李之才受河圖洛書及六十四卦圖象妙悟神契洞澈蘊粵及其學益老德益仰玩心高明以觀天地之運化觸類深通著書十萬言囊括三才負絕今古河南程顯嘗其論議退而歎曰內聖外王之業也雍知慮過人所為謂于凡物聲氣之所感輒能推動極變于是撫事之已然者皆以雍言先之雍蓋未必爾也嘉祐中舉逸士屢授職皆不之官卒年六十七贈秘書省著作郎賜諡康節先生

鳳州麗樓上書所見

楊柳垂青青風動如飛蓋危樓思不窮盡日間相對鳥去林自空雲移山不礙画角時斷續層崖遞明晦殘陽挂雙虹遠水生

微瀨久客屬東望意與孤鴻會

天津幽居

予家洛城裏况復在天津日近先知曉天低易得春時光優化
國景物厚幽人自可輕軒冕間中老此身

閒吟

平生雖不仕隨分亦風波所損無紀極日歸仍蹉跎既乖經世
志尚可全天和樽中時有酒且飲行復歌

秋懷二首

晴牕日初曛幽庭雨乍洗紅藥靜自披綠竹閒相倚榮利浮若
雲懷情淡如水身非天外人意從天外起
斷續蟬聲外稀疎雁影前年光空逝矣人事亦蕭然洗竹留新
筍翻書得舊編誰知養心者肯與世爭權

秋夜

浮雲一消散星斗燦長天碧蘚墜丹果清香生白蓮體涼猶衣
葛耳靜已無蟬坐久羣動息秋空惟寂然

和張二少卿丈白菊

籬下曉凝霜疎枝殿顛商自知能潔白誰念獨芬芳豈為瓊無
艷還驚雪有香素英浮玉液一色混瑤觴

登朝元閣

繡嶺岌層巒岿堯十九盤霏微輕雨後杳靄出雲端往事金輿
邈遺踪玉像殘至今臨渭水依舊見長安

閒行

園圃正蕭然行吟遶澤邊風驚初社後葉墜未霜前衰草襯斜
日暮雲扶遠天何當溯真趣止可入無言

天津閒步

天子舊神州
蔥蔥氣象浮
園林間近水
殿閣遠橫秋
浪雪暑猶
狂橋虹晴不
收人間無事
日此地好淹
留

依韻和王不疑少卿招飲

經難憶浮丘
吾鄉足勝遊
風前驚白髮
雨後快新秋
仕宦情難
薄登臨興未
休人間憂喜
事都不到心
頭

小圃逢春

隨分亭欄亦
弄妍不妨閒
傍酒鑪邊夜
簷靜透花間
月晝戶晴
生竹外烟事
到悟來同偶
爾天教閒去
豈徒然壺中
日月長多
少爛占風光
十二年

芳草短吟

花間水畔綠
如茵興廢曾
經漢與秦占
斷山川無限
地愁傷今

古幾何人嚴
霜殺盡還逢
雨野火燒殘
又遇春不那
路傍多此
物王孫歸去
苦迷津

謝富丞相招出仕

欲遂終焉閒
老計未知天
意果如何幾
重軒冕酬身
貴得似雲
山到眼多好
景未嘗無嘯
詠壯心都已
入消磨鶴鴻
自有江湖
樂安用區區
設網羅

秋遊

七月芙蓉正
闌開東南園
近日徘徊有
時風向池心
過無限香
從水面來卷
畫溪淡方誤
入洞庭湖晚
未成迴坐來
一霎蕭蕭
雨又送清涼
到酒盃

後園即事

太平身老復
何憂景愛家
園自狂遊幾
樹綠楊陰乍
合數聲幽

鳥語方休竹侵舊徑高低迸水滿春渠左右流借問主人何所
樂答云殊不異封侯

春遊

洛陽春色浩無涯况此城東景復嘉風力緩搖千樹柳烟光輕
盪半川花天晴翡翠飛平岸日暖鴛鴦下淺沙不見君王西幸
久遊人但感鬢空華

十四日留題福昌縣宇之東軒

洛川秋入景猶嘉微雨初過徑路斜水竹洞中藏縣宇烟嵐塢
裏住人家霜餘紅間千里葉天外晴排數縷霞溪淺溪深清漱
艷峰高峰下碧查牙鳥因擇木飛還遠雲為無心去更賒蓋世
功名多齟齬出羣才業足咨嗟浮生日月仍須惜半老筋骸莫
強誇就此巖邊宜築室樂吾真樂趣無涯

天津感事

自古別都多隙地參天喬木亂昏鴉荒垣壞堵人畊處半是前
朝卿相家

謝君實端明惠牡丹

霜臺何處得奇葩分送天津小隱家初訝山妻忽驚走尋常只
慣插葵花

二色桃

施朱施粉色俱好傾國傾城艷不同疑是藥宮雙姊妹一時俱
肯嫁春風

天津感事

鳳樓深處鎖雲烟一鎖雲烟又百年痛惜汾陰西祀後翠華辜
負人陽天

春日登石閣

滿洛城中將相家廣栽桃李作生涯年年二月凭高處不見人家只見花

春暮吟

有意楊花空學雪無情榆英漫堆錢窮愁不服春辜負酒病依還似去年

和富公

道堂閒話儘多時塵外杯觴不亂飛初上小車人已識醉和風雨夜淡歸

謝濤

陽下人其父懿文為鹽官令葬富陽遂為富陽人濤以文行稱舉進士為梓州權監院判官以平李順論功遷觀察軍改知曹州進直昭文館累官至太子賓客

讀史

百年奇特幾張紙千古英雄一窖塵惟有炳然周孔在至今遺澤漫生民

司馬池

字和中晉安平獻王孚之後其祖有墓安邑者遂為夏縣人舉進士當試殿廷尋母病號痛而歸後中第授永寧主簿由耶縣尉調鄭州防禦判官知光山縣用威薦改著作佐郎監安豐酒稅徙知小溪縣歲餘為馳救判官忤侍皇甫不拜明罷知耀州擢利州轉運使知鳳翔府召知諫院懇辭不拜加直史館復知鳳翔累遷兵部員外郎兼侍

行色

御史知雜事出典州
冷于波水澹于秋遠陌初窮見渡頭賴得丹青無画處画成應遣一生愁

陶弼

存素堂

字商翁永州人少儻放宕吳中行山間有雙鯉戲溪水
 上弼疇觀之旁有老父顧曰此龍也行且鬪君當亟去去
 百步許雷大震而兩岸坳矣丁謂一見妻一宗女因從學
 兵法慶曆中楊政討湖南徭弼上謂授之兵使往襲力破
 之以功得陽朔主簿儂賊犯南海弼為安撫使叅謀累擢
 知賓容欽三州換崇儀使知邕州綏輯惠養邊境大治徙
 鼎州辰州轉康州團練使晚知順州弼久于南荒思威並
 著終弼之世文人無敢犯邊者如東上閣門使未拜而卒
 有詩集
 行世

兵器

五代乏真主奸雄紛僭偽橫磨濶刀劍白日相篡弒我宋皇太
 祖潛德動天意神物既有歸乃即皇帝位不惠兆民樂不怒諸
 侯畏顛倒執玉帛奔走恐後至獨有陰山魁時時思略地天子
 赫斯怒大驚巡澶衛射却大當戶遂斷撐犁臂狼心帖然服結
 好同昆弟卒間喜夜歌將老貪春睡自此為太平恍逾三十歲
 元昊乘我間南馳賀蘭騎陽關久夜開樞朽不可閉陣雲起秦

雍殺氣橫涇渭使臣股慄奏宰相嗔目議僉曰亟發兵豎子坑
 甚易倉皇築邊壘未戰力先瘁逼邊開庫兵土蝕鋒銳脆防秋
 採舊屯推轂謀新寄舊屯老且死少者無實藝良由不訓練手
 足迷擊刺新寄將家子從小生富貴六韜未嘗讀口但知肉味
 師復從中御進退由閣寺權輕號令冗兩戰無遺類曹公棄七
 軍晉人獲三帥吾兵自此爽有詔新其製此器不預設一旦何
 從致朝廷急罷縣罷縣急官吏官吏無他術下責蚩蚩輩耕牛
 拔筋角飛鳥禿翎翅斡截會稽空鐵烹堇山悴供億稍後期鞭
 朴異他罪愁氛擁太虛霽景晝冥晦我聳郭汾陽料敵多奇異
 單箠論堅壘羅拜膝雙墜又聳李西平臨戎有英氣身著紅錦
 袍懷光肝膽碎是知用兵術狂人不枉器君耳舜高聽君目舜
 明視願採謀略長勿倚干戈銳

送趙樞寺丞宰虔化縣

路入虔雲去如何輕解攜人烟五嶺北星斗大江西暖雪梅花
樹晴雷贛石溪青衫欲無淚不奈鷓鴣啼

出嶺題石灰鋪

馬渡巖關口生歸喜復嗟天文離卷舌人影背舍沙江勢一再
曲梅梢三四花登高休問路雲際是吾家

東湖

寧越佳山水東湖帶甌城月天高寺影春雨一橋聲石上青蒲
合沙中白鳥橫天涯正寥落獨往若為情

西湖

寧越佳山水西湖似浙城桂多天竺子湖欠海門聲路向林梢
轉天隨野色橫從茲棲泊者無復渡江情

題霞溪驛全州

歌聲野色中人樂歲時豐暑雨陰陽雜秋田蚤晚同嶺雲無烈
日江樹足涼風自指香山語前村有路通

登崑崙臺

落照古城隅邊風動隼旗久閒忘戰略多病熟醫書白髮隨年
短新情與世疎桃花春水起還釣舊溪魚起一作暖

秋日登南城臺

江國家書少秋臺寒草生無人來遠渡盡日上高城落照縣漁
市孤烟起戍營東籬故園菊又向酒中傾

過思明

幾年來瘴外此夜宿溪中照枕殘雞月吹燈落葉風盧循猶偽
國楊僕已衰翁起戴寒星去村前燒影紅

題陽朔縣舍

石壁高深遠縣衙不離林祗自烟霞民耕紫芋為朝食僧煮黃
精代晚茶瀑布聲中窺案牘女蘿陰裏勸桑麻欲知言偃絃歌
化水墨屏風數百家

閣早

萬仞天然皂閣形陰陽不似衆山青一區海上神仙宅數曲人
間水墨屏華表鶴歸春谷響玉京龍起夜潭腥可憐張葛無人
繼三級高壇拂杳冥

天涯亭

雨色絲：風色驕天涯亭上覺魂鎖一家生意付秋瘴萬里歸
心隨暮潮兵送遠人還海界吏申遷客入津橋山公對此聊酣
飲怕見醒來兩鬢凋

對花有感

得意欣：失意悲古今人事若花枝桃紅李白薔薇紫問著春
風自不知

尹洙

字師魯河南人少與兄源俱以文學知名舉進士調正平
縣主簿歷知光澤縣改伊陽縣有能名用大臣薦召試為
館閣校勘會范仲淹賤洙上奏以范仲淹韓琦為副安撫使復
康州酒稅趙元昊反朝庭未幾韓琦知秦州辟洙通判州
以洙為判官進集賢校理未幾納之改大常丞知涇州尋
事上書極言時政得失仁宗嘉納之廣公事會總管鄭戩欲
以右司諫知涇州洙謂洙不可為戩所中徙慶州董士廉復上書
城水落洙力爭謂洙不可為戩所中徙慶州董士廉復上書
詔洙御史劉湜文致其罪再貶崇信軍節度副使徙
監筠州酒稅未至而卒年四十七有集二十七卷

皇雅十首

天監受命也自梁至于周兵難不息宋受命統一萬方焉天監
下民亂靡有定甚武且仁祚厥真聖仁實懷徠武以執競匪虔

匪劉拯我大命自昔外禪月經日營令以挾制政以陰傾帝初
治兵志勤于征奄命神器匪謀而成淮潞弗虔卒汙叛逆戎輅
戒嚴皇威有赫彼寇誅民吾勇其百殄厥渠魁貸其反側帝廟
法宮左右宗公伎夫悍士以雍以容爾居爾室爾工爾農既息
既養惟天子功

西師征蜀也

王用西師岷梁弗賓匪曰負固實交晉人予訓予誓合我將臣
正厥有罪無庸傷民矯虎士載推其壁于嗟孟侯亦果其策
迎師而降靡抗鋒鏑豈獨身謀完是宗國蜀都既平將臣失律
此衆悍驕彼民危慄當塗叫呶合萬為一匪懷則威帝心是恤
帝曰將臣予嘉乃庸廢命毒民爾弗有終邦典用疑惟罪惟功
靡殛而削協于厥中帝曰孟侯受封于楚旂旒凋戈筒物異數

俾爾族姻及乃文武服枉王庭靡不有序蜀民呼歌天子威靈
保我者封暴我者刑匪功是和匪弱是陵天子惠民疇敢不承
耆武受俘也命將代南海平金陵俘二王以獻

耆武定功時惟二方淮服其義海南遂荒孰孱而鎰孰暴而猖
自底不諛乃終滅亡帝戒二俘同即爾誅予惟民無辜休息是
圖時其輯矣寧威獨夫帝嗟汙邦久罹于兵或暴下以征或敷
虐以刑予命中典協于國經民服德音室家以寧

憲古今守臣也削其附庸以強帝室焉

帝懷永圖治古是憲四方守臣惟屏惟翰枉昔艱難弗惠訓典
跨都連城高牙以建有土有民肆乃征繕以息以容終焉叛渙
凡今帥臣徂厥聳見匪革亂原曷清多難帝告庶邦式是典彛
元侯顯父戚臣宗支正乃封圻予一人是毗凡曰附城罔爾俾

之累兵厚賦靡爾得私母凶而國作福作威天子有命疇敢不
祇子孫承之唯萬世規

大鹵王師討晉罪也

冀州之疆粵惟大鹵地晉俗伎而專地扼而固協比幽都蕩搖邊
圍三垂既摧兇威弗沮帝御六師百萬貔虎剪其附庸至于城
下鋒鏑始交梯衝如舞蠶爾孱王請附降土我士奮揚願究吾
武皇帝曰吁念彼黎庶匪鯨匪鯢復為王士晉郊既平九區以
寧陳功太廟告假威靈在昔武王于高觀兵惟我藝祖亦勤于
征匪貸晉罪侯厥貫盈聖作聖繼魏之相承皇矣二后功莫與
京

帝籍修故典也躬耕以勸農焉

帝籍于郊典儀具陳務農以訓供祀以勤祀在于誠匪勤于人
訓農以實匪訓以文帝謹二物乃躬乃親公侯卿士暨庶民
千甸有制飭哉惟寅帝賚高年式宴且喜種之黃髮族丘而議
我生艱難暴亂以繼耳徃金鼓日狎戎器皇其我圖親講農事
有子有孫力田孝悌鼓舞至仁薰焉如醉

庶工任賢也

帝咨庶工疇其輔予俊人以登厥勞乃圖匪忘舊勲非賢勿俞
魏之哀台盛德以居任賢伊何昌言是庸勉告爾猷罔恤迺躬
豈無直辭拂于予衷予不爾疵爾無面從始時從官戎容揚之
今帝左右儒冠煌之朝廷以尊文物典章得人之盛奕世重光
帝制北方請盟也

帝制萬邦罔有弗賓蠶爾化外羈焉勿臣威格三方稽顙獻珍
匪茹草心願交使人帝謀公卿列侯庶校咸曰彼心暴戾陰狡

既擾我疆復利吾寶無若勵兵襲其還道皇曰有衆予實念茲
 戰無必勝矧其歸師借曰大獲疇能盡之益俾餘醜毒吾朔陸
 乃俞其盟北州以綏枉漢世宗抗威速攻暴農算商經用弗充
 中區震駭漢南始空降及後世猶稱厥功于穆聖考德無與偕
 匪勤于兵荒服遂來逮是三紀遠俗以懷生民休息嗚呼仁哉
 皇治恤刑也帝仁于明刑枉位者以寬恤為治焉

皇帝其其欽哉惟刑枉疑而宥罔察為明愛怒弗肆孰為重輕
 母一弗辜惟典之平前世理官倚法以刻匪彼為仇蓋曰任職
 今之蔽獄務正其辟鑿于前人繫我仁德皇德枉仁寢而成風
 公侯卿士靡不率從麇卯萌生成保厥終不鄙不夭樂哉融

太平封祀告成功也

噫太平無象兮世烏得而知維盛德可迹兮其封祀之儀東岱

宗兮西汾睢禮上帝兮賓地祇皇有征兮吾民以嬉皇有祈兮
 吾民是私天敷佑兮俾皇之釐永世億寧兮無彊之基

孫復

字明復晉州平陽人舉進士不第退居泰山學春秋著尊
 王發微十二篇年四十一娶宰相李迪知其賢以其弟之
 子妻之用范仲淹富弼薦除秘書校書郎國子直講出知
 州縣稍遷殿中丞卒復與胡瑗不合枉太學彼此相避瑗
 治經不如後而教養諸生蓋
 過之也復弟子石介最知名

蠟燭

六龍西走入崦嵫寂華堂漏轉時一寸丹心如見用便為灰燼
 亦無辭

石介

字守道兗州奉符人進士及第歷鄆州南京推官篤學有
 志尚樂善疾惡遇事敢為丁父母憂耕祖徠山下魯人號
 徂徠先生入為國子直講作慶歷聖德詩為夏竦所深恨
 出判濮州未赴卒幾有斷棺之禍賴諸大臣保護得免

慶歷聖德頌

於維慶歷三年三月皇帝龍興徐出闈闈晨坐太極晝開闈闈躬攬賢英手鋤姦枿大聲颯々震搖六合如乾之動如雷之發昆蟲躑躅妖怪藏滅洞明道初天地嘉吉初聳皇帝感然言曰予父子祖付予大業予恐失墜實賴輔弼汝得象殊重慎微密君相予久予嘉君伐君仍相予筮鏞斯協昌朝儒者學聳皆密與予論政傳以經術汝貳二相庶續成秩惟汝仲淹汝誠予察太后乘勢湯沸水熱汝時小臣危言業々為予司諫正予門闈為予京兆聖予諗說賊叛于夏往予式過六月酷日大冬積雪汝暑汝寒同于士卒予番辛酸汝不告之予晚得弼予心慰悅弼每見予無有私謁以道輔予弼言深切予不克舜弼自咎罰諫官一年奏疏滿篋侍從週歲忠力盡竭北丹止義檮杌饕餮敢

敢侮大國其辭慢悖弼將予命不畏而懾卒復舊好民得食褐沙磧萬里死生一節視弼之膚霜剝風裂觀弼之心鐵金煨鐵寵名大官以酬勞渴弼辭不受其志莫奪惟仲淹弼一夔一契天實資予々其敢忽並來弼予民無瘥札曰衍汝來汝予黃髮事予二紀毛禿齒豁心如一分率履弗越遂長樞府兵政無蹶予蚤識琦々有奇骨其器魁畧豈視居楔其人渾璞不施剗厠可屬大事敦厚如勃琦汝副衍知人予哲惟修惟靖立朝讞々言論礫砢忠誠特達祿微身賤其志不怯嘗詆大臣亟遭貶黜萬里歸來剛氣不折屢進直言以補予闕素相之後舍忠履潔昔為御史幾叩子榻至今諫疏枉于箱匣襄雖小臣名聳于徹亦嘗獻言箴予之失剛守粹慤與修儔匹並為諫官正色枉列予過汝言無鉗汝舌皇帝明聖忠邪辨別舉擢俊良掃除妖魃

衆賢之進如茅斯拔大姦之去如距斯脫上倚輔弼司予調燮
下賴諫諍維予紀法左右正人無有邪孽予望太平日不逾浹
皇帝嗣位二十二年神武不殺其默如淵聖人不測其動以天
賞罰枉予不失其權恭已南面退姦進賢知賢不易非明不得
去邪惟艱惟斷乃克明則不貳斷則不惑既明且斷惟皇之德
羣下踧踖重足屏息交相告語曰惟正直毋作側僻皇帝汝殛
諸侯危慄墮玉失鳥交相告語皇帝神明四時朝覲謹修臣職
遠人走馬墜鐙遺策交相告語皇帝神武解兵修貢永為屬國
皇帝一舉羣臣懾焉諸侯畏焉遐荒服焉臣願陛下壽萬千年

汴渠

隋帝荒宴遊厚地剗為溝萬舸東南行四海困橫流義旗舉晉
陽錦帆入揚州揚州竟不返京邑為墟丘吁哉汴渠水至今病

不瘳世言汴水汴我利為汴水憂利害我豈知吾試言其由汴水
濬且長汴水湍且道千里瀉地氣萬世勞人謀舳艫相屬進餽
運曾無休一人奉口腹百姓渴膏油民力輸公家斗粟不敢收
州侯其王都尺租不敢留太倉粟我兄兵食無羞上林錢朽
貫婁官求要優吾欲塞汴水吾欲壞官舟請君簡賜予請君節
財求王畿方千里邦國用足周盡省轉運使重封富民侯天下
無移粟一州食一州

贈張績禹功

李唐元和間文人如蠶起李翱與李觀言雄破姦究孟郊及張
籍詩苦動天地時持正不退讓子厚稱絕偉元白雖小道爭名愈
弗已卒能霸斯文昌黎韓夫子吾宋興國來文人如櫛比黃州
才專勝漢公氣全粹晦之號絕羣平地走虎兕謂之雖駸雜亦

文中騏驥白楨洎盧震江沱自為水朱巖兼孫僅培埭對嶽峙
卒能霸斯文河東柳開氏嗟吁河東歿斯文乃屯否泊三十
年淫哇滿人耳粵從景祐後大儒復唱始文人如麻立樅三攢
戰騎徂徠山磊砢生民實頑鄙容貌不動人心膽無有比不度
蹄泠微直欲觸鯨鯉有慕韓愈節有肩柳開志今讀禹功文予
戟寒相倚寶光千里高飛出破屋裏龍音萬丈長拔出重淵底
雷霆皆藏身日星皆失次我慙年老大才力漸衰矣禹功氣奔
壯今方二十二前去吾之年猶有十四歲今讀禹功文魂魄已
驚悸更加十四年世應絕儔類卒能霸斯文吾恐不枉己禹功
幸勉旃當仁勿讓爾

過魏東郊

全魏地千里雄大視區宇黃河為血脉太行為筋膂地靈育聖
賢土厚含文武堂々柳先生下如猛虎十三斷賊指聳者皆震
怖十七著野史才俊凌遷固二十補史書辭源續堯禹六經皆
自曉不看注與疏述作慕仲淹文章肩韓愈下唐二百年先生
固獨步投篇動范杲落筆驚王祐四方交豪傑羣公走聲譽一
上中高第數年編士伍五命為御史連出守方土事業幾皋夔
才能勘相輔鳳皇世不容衆鳥競朝訢獄中饑不死特地生瓜
距貌貅十萬師盟津直北渡塞上諸猛將低頭若首鼠渴憶海
為漿饑思鼈為脯兩手擎人肝大壯橫斗肚一飲酒一石賊來
不怕懼帳下立孫吳樽前坐伊呂笑談韜鈴間出入經綸務

蜀道自勉

潮陽障烟黑去京路八千吏部有大功得罪斥守藩朝衝江霧
行夜枕江濤眠蚊蠶作怪變時々攀船舷魚龍吐火燄往々出

波間故為相恐怖倏忽千萬端道在安可劫處之自宴然我乏
尺寸效月食二萬錢自請西南來此行非竄遷蜀山險可升蜀
路高可緣上無嵐氣蒸下無波濤翻步覺閣道穩身履劍門安
惟懷吏部節不知蜀道難

感興

村居何所適種木樹桑梓田園繞家舍遠不逾十里款段足乘
騎代步而已矣但識畜駘安知有騏驥驥月北風寒太山行色
紫君命急如火城頭見烽燧雲淡馬僵倒十夫扶不起軍法有
明訓後期者誅死倚鞍思駭骨撫轡念駉駉求之不可得酸醜
滿眼淚旁聳負薪叟竊語相譏刺居安常念危在險如處易臨
難始求濟狼狽徒勞爾有備則無患古人垂淡旨平居無事時
萼廡淡秘邃善穀與豐草秣飼十廡吏駘飽相枕素餐不知

愧伯樂能識馬每來加勸說飛兔與駉襄日牽在都市為愛千
金資貪恪不肯置今日臨艱難勞力自勉勵

偶作

晉公平淮西兵出速如神崇韜伐西川六十日請臣太祖初受
命諸侯未盡賓蜀廣號敵國荆潭為彊鄰王師討有罪不蚤逾
十旬元昊誠螻蟻有地長一畛詎足污斧鉞尋當投荆榛是何
逾歲月務行含貸仁豈茲將帥間迴無晉公倫張旗發一號豈
無李處耘提戈出一戰豈無王全斌容茲盈寸蟹蕩漾于流津
平生讀詩書胸中貯經綸薄田四五畝甘心耕耨勤倚鋤西北
望涕淚空沾巾

送李唐病歸

春風汶水溫曉日徂徠寒之子銜病歸請予開一言予知去病

術為子陳大端予嘗學聖人試將道比論道病非一日善醫惟
 孔韓賞罰絕于周孔筆誅其姦春秋十二經王道復全完佛老
 熾于唐韓刀斷其根原道千餘言生民復眠餐道病由有弊邪
 偽容其間身病猶有隙風邪來相干子欲治斯道絕弊道乃存
 子欲治子身杜隙身乃安此理近古鑒吾言有本源

麥熟有感

去年經春頻肆^{秋拜}救人忙走如馬五月不雨麥苗死救頻不能活
 窮寡今年經春無救書十日一雨及時下五月麥熟人民飽一
 麥勝如四度救吾願吾君與吾相調和陰陽運元化陰陽無病
 病元氣活風雨調順麥多稼使麥長熟人不饑肆青空文奚為
 者

讀詔書

閩中有山生虎狼虎狼性醜不可當去歲食人十有一無辜被
 此惡物傷守臣具事奏聖帝聖帝讀之惻上意乃詔天下捕虎
 狼意欲斯民無枉死吾君仁覆如天地只知虎狼有牙齒害人
 不獨枉虎狼臣請勿捕貪吏

乙亥冬富春先生以老儒醇師居我東齊濟北張洞明遠
 楚宮李温仲淵皆服道就義與介同執弟子之禮北西受
 其業因作百八十二言相勉

鳳凰飛來眾鳥隨神龍遊處羣魚嬉先生道德如韓孟四方學
 者爭奔馳濟北張洞壯且勇楚丘李温少而奇二子磊落頗驚
 俗奉山石介更過之三人堂負英氣胸中拳擊蟠蛟螭道可
 服兮身可屈北面受業尊為師先生晨起坐堂上口諷大易春
 秋辭洪音琅響牙齒鼓橫孔子興宓義先生居前三子後恂

恂如枉汾河滑續作六經豈必讓焉無房杜廊廟資吁嗟斯文
敝已久天生吾輩同扶持二子勉旃吾不惰先生大用終有時
當以斯文施天下豈徒玩書心神疲

聳子規

月上半峰：樹碧子規啼苦月無色壯士耳邊都不聳兒女眼
中淚自滴古人出處非閑身處分事親出事君服勤至死不敢
倦避勞擇逸豈所聳我看蜀道誠為難嗟爾子規何云々王導
九折竟叱馭班超萬里圖立勲乘危蹈險盡臣節二人至今揚
清芬我本魯國一男子少小氣志凌浮雲精誠許國貫白日有
心至主為萼勲位俾身賤難自建滿腹帝典與皇墳有時憤懣
吐一言小人謗議已紛々宰相寬容天子慈八年之中三從軍
從軍官清吾何苦嘉州路遠爾勿語地不為我易其險我豈守
道不能固子規子規漫啼絕斷無清淚灑向汝

蝦蟇

夏雨下數尺流水滿池泓蝦蟇為得時晝夜鳴不停幾日飽欲
死腹圓如瓶罌鉅吻自開闔頭項或縮盈時于土坎間突出兩
眼睛是何瘕形骸能吐惡音聲嗟哉爾肉臙不中為犧牲嗟哉
爾聲麤不中和人情殊不自量力更欲睥睨橫海之鱣鯨自謂
天地間獨馳善鳴名萬物聒皆聾不知鐘鼓欽々雷霆閔々應
龍戩腦入海底鳳凰舉翼摩青冥此時各默々以避蝦蟇鳴何
時雨歇水澤涸青臭泥中露醜形失水無能為兩脚不解行乾
渴以至死盡把枯殼填土坑

訪田公不遇

主人何處去門外草萋々獨犬睡不吠幽禽閒自啼老猿偷果

實稚子弄鋤犁日暮園林悄春風吹藥畦

蘇唐詢秀才晚學于予告歸以四韻勉之

憐我山中卧半年相伴吟道傳諸子後易得數文溪爨或經年
絕書猶竟日尋惜哉未終業親老忽需襟

歲晏村居

歲晏有餘糧盃盤氣味長天寒雨脚落春近臙頭香菜色青仍
短茶嫩芽復黃此中得淡趣真不羨膏粱

送奉符縣監酒稅孟執中借職

東西兩處各天涯去國還鄉喜又嗟鄒嶧山藏孟子宅海棠花
落蜀王家淡知周道非彝酒可罪唐臣乞稅茶三載此心無一
事番經絳帳日常斜

寄元均

君為儒者豈知兵何事欣隨壁馬行裴度樽前坐韓愈趙成帳
下立荀卿禦戎誰道全無策對壘寧防下一秤須信乾坤養不
肖年三十七卧柴荆

赴任嘉州初登棧道寄題姜潛至之讀易堂

我不辭官君下第其間險易兩何如連雲棧外四千里讀易堂
中一帙書慈母含飴垂禿髮先生懷道接茅廬莫將青淚頻
灑蜀道之難上初

士廷評相會梓州

道視荀楊雖未至分如管鮑已知溪一千二百日離別五十六
駟外相尋重同君注周易且來其我聽胡琴月留屋角不下去
似與清風憐苦吟

留題敏夫隱居

幾迴到此尋逋客，杯案蕭疎滋味長。山飯半甌橡子熟，春蔬一筋木苗香。四時泉石應無夏，滿谷雲霞別是鄉。終待其君結鄰里，竹間相並兩間房。

訪竹溪呈孟節兼有懷熙道

到頭泉石是吾家，坐石聽泉日已斜。一片青衫非富貴，千竿綠竹是生涯。君曾覽照頭皆雪，我試看書眼亦花。便好結為山伴，侶教他夔益佐勳華。

村居

幽居一畝枕溪棧，塔杉松纏古藤。常愛園林淡似隱，不嫌門戶冷如僧。麥宜過社猶催種，山近經秋却懶登。已把壯心閒頓置，少年休用苦相憎。

送馮司理之任彭州

李白詩中蜀道難，把詩詩讀淚沆瀾。江形詰曲千迴折，嶺路峻增萬屈盤。登陟去年腰僅折，追思今日鼻猶酸。此行君不同屯蹇，五馬相知舊長官。

赴任嘉州待闕左綿七十日通判呂國博日相從吟酌至嘉陽因成韻寄之

鼎來豈敢道能詩，一見何因便解頤。鄉國三千里離別，杯盤七十日相知。送人江外馬馱妓，垂釣寺中魚竭池。別後中秋又重九，與誰賞月詠東籬。

燕枝板浣花箋寄合州徐文職方

合州太守鬢將絲，聳說歡情尚不衰。板與歌娘拍新調，牋供狎客寫芳辭。木成文理差，動花映溪光。瑟，奇名得只從嘉麗。樹樣傳仍自薛濤，時奇章磊，馳聲價江令。翩，落酒卮幾首。

詩成卷魚子誰人唱罷泣燕枝紅牙管好同林置縣柴筮宜一處施願助風流向樽席杏花况是未離披

夏竦附

江州人性敏好學以文章名世舉賢良方正累遷右正言
知制誥生事出知黃州人宗即位徙供州竦材術過人急
于進士喜交結任智數傾側反覆時論目為奸邪依中人
張懷德得復原官遂改參知政事未幾罷知襄州及范仲
淹與富弼同心輔政而太子中允石介與慶曆感德詩以
美之語頗侵竦竦銜怨刺骨又欲頌陷弼等乃使婦女陰
習石介書偽作奏記上竦責以行伊霍之事復冒為廢立
詔云出介手代弼屬草者用飛語上奪致弼與仲淹不安
其位先後請外介亦通判濮州竦恨介不已及介死言其
北走敵國請發棺檢勘會大臣力爭之乃止其奸詭忤忍
此類如云

應廷試

殿上衮衣明日月硯中旗影動龍蛇縱橫禮樂三十字獨對丹墀日未斜

海雁橋

海雁橋邊春水淡略無塵土到花陰忘機不問人知否自有沙鷗信此心

觀藏珠

敏手機心頗自安遮藏有路巧千般主公當面無人見只怕旁人冷眼看

宋元詩會卷之十

皖桐陳

焯默公輯選

後學程

仕松皋忝較

歐陽修

字永叔廬陵人四歲而孤母鄭以荻畫地親誨之學敏悟
 過人見冠峩然有聲宋興百年而文體猶仍五季修遊隨
 得古本韓文苦志力學遂以文章名天下舉進士試南宮
 第一擢甲科調西京推官入朝為館閣校勘范仲淹之貶
 修貽書責司諫高若訥坐貶奪位在僉小忌之校勘進賢
 校理慶曆三年知諫院時正人任位僉小忌之校勘進賢
 修為帝分東別還以龍圖閣直學士為河北都轉運使會杜
 詔奉使河東還去上疏力爭亦出知滁州徙揚州州復
 行等以黨議罷去上疏力爭亦出知滁州徙揚州州復
 學士留守黨議罷去上疏力爭亦出知滁州徙揚州州復
 修唐書使朔方其國為之加禮知嘉祐二年貢舉知開封
 府改羣牧使朔方其國為之加禮知嘉祐二年貢舉知開封
 樞密副使六年參知政事與韓琦同輔政英宗立太
 垂簾左右使六年參知政事與韓琦同輔政英宗立太
 修引朝論服記謂為後者為其意合廡為期服而史宗以
 之名朝論服記謂為後者為其意合廡為期服而史宗以
 之日奇之論服記謂為後者為其意合廡為期服而史宗以
 修神宗詰問由來昏詞窮坐熙修亦力求退罷以刑部尚

書知亳州年六十即乞休加太子少師致任卒謚文忠

贈杜默

南山有鳴鳳其音和且清鳴于有道國出則天下平杜默東土
 秀能吟鳳凰聲作詩幾百篇長歌仍短行攜之入京邑欲使眾
 耳驚來時上師堂再拜辭先生先生領首遺教以勿驕矜贈之
 三豪篇而我濫一名杜子來訪我欲求相和鳴顧我文字卑未
 足當豪英豈如子之辭鏗鏗間鏞笙淫哇俗所樂百鳥徒嚶嚶
 杜子卷舌去歸衫翩以輕京東聚羣盜河北點新兵饑荒與愁
 苦道路日以盈子盍引其吭發聲通下情上聳天子聰次使宰
 相聽何必九苞一作苞禽始能瑞一作薦堯庭子詩何時作我耳久
 已傾願以白玉琴寓之朱絲繩

水谷夜行寄子美聖俞

寒一作晨雞號荒林山壁月倒挂披衣起視夜攬轡念行邁我來

夏云初素節今已屆高河瀉長空勢落九州外微風動涼襟曉

氣清餘睡面懷京師友文一作有酒邈一作邀高會其間蘓與梅二

子可畏愛篇章富縱橫聲價相磨一作摩蓋子美氣良雄萬竅號

一噫有時肆顛狂醉墨灑霧霏一作勢如千里馬已發不可殺

盈前盡珠璣一一難東汰梅翁事清切石齒漱寒瀨作詩三十

年視我猶後輩文詞愈清新心意難一作雖老大譬如妖韶女老

自有餘態近詩尤古硬一作淡咀嚼苦難噉初如食橄欖真味久

愈狂蘓豪以氣轢一作燥舉世徒驚駭梅窮獨我知古貨今難賣

二子雙鳳凰百鳥之嘉瑞雲烟一翱翔羽翮一摧鍛安得相從

遊終日鳴噓噓問胡苦思之對酒把新蟹

暮春有感

幽憂無以銷春日靜愈長熏風入花骨花枝午低昂往來採花
 蜂清蜜未滿房春事已爛熳落英漸飄揚蛺蝶無所為飛飛助
 其忙啼鳥亦屢變新音巧調篁遊絲最無事百尺拖晴先天工
 施造化萬物感春陽我獨不如春久病卧空堂時節去莫挽浩
 歌自成傷

按六書無熳字古歌曰婦雲爛兮亂縵兮縵
 訓素縵亦無火義而唐詩多用爛熳不知何本

讀徂徠集

徂徠魯東山石子居山阿魯人之所瞻子與山嵯峨今子其歿
 矣東山復誰過精魂已埋沒文章豈能磨壽命雖不長所得固
 已多舊藁偶自錄滄溟之一螺其餘誰付與散失存幾何存之
 警後世古鑑照妖魔子生誠多難憂患靡不罹羅官學三十年
 六經老研摩問胡所專心仁義丘與軻揚雄韓愈氏此外豈知
 他尤勇攻佛老奮筆如揮戈不量敵眾寡膽大身么麼往年遭

母喪泣血走岷峨垢面跣雙足鉏犁事田坡至今鄉里化孝弟
 勤蠶禾昨者來太學青衫踏朝靴陳詩頌聖德厥聲續猗那羔
 雁聘黃晞晞驚走鄰家施為可怪駭世俗安委蛇謗口由此起
 中之若飛梭上賴天子聖不挂網者羅憶在太學年大雪如翻
 波生徒日盈門飢坐列雁鵝絃誦聒鄰里唐虞賡詠歌常續最
 高第騫游各名科豈止學者師謂冝國之皤夭壽反仁鄙誰尸
 此偏頗不知訛訛者又忍如詆訶聖賢要久遠毀譽暫誼譁生
 為舉世疾死也一作古人嗟作詩遺魯社祠子以為歌

重讀徂徠集

我欲哭石子夜開徂徠編開編未及讀涕泗已漣漣勉盡三四
 章收淚輒忻歡切切善惡戒丁寧仁義言如聞子談論疑子立
 我前乃知長在世誰謂已一作沉泉昔也人事乖相從常苦艱

今而每思子開卷子在顏我欲貴子文刻以金石聯金可燦而
 銷玉可碎非堅不若書以紙作書傳一六經皆紙傳但當書百本傳
 百以為千或落於四荒或藏在深山待彼謫炤熄放此光芒懸
 人生一世中長短無百年無窮在其後萬世在其先得長多幾
 何得短未足憐惟彼不可朽名聲聞行然譏誣不須辨亦止百
 年間百年後來者憎愛不相緣公議然後出自然見媿妍孔孟
 困一生毀逐遭百端後世苟不公至今無聖賢所以忠義士恃
 此死不難當子病方革謫辭正騰誼衆人皆欲殺聖主獸保全
 已埋猶不信僅免斲其棺此事古來有每思輒長嘆我欲犯衆
 怒為子記此冤下紓冥冥忿仰叫昭昭天書於蒼翠石立彼崔
 嵬巔詢求子世家恨子兒女頑經歲不見報有辭未能詮一作
 忽開子遺文使我心已寬子道自能久吾言豈須鑄

讀書

吾生本寒儒老尚把書卷眼力雖已疲心意殊未倦正經首唐
 虞偽說起秦漢篇章異句讀解詁及箋傳是非自相攻去取在
 勇斷初如兩軍一作兵交乘勝方多一作酣戰當其旗鼓催不覺人
 馬汗至哉天下樂終日在几一作書案念昔始從師力學希仕宦
 豈敢取聲名惟期脫貧賤忘食日已晡然薪夜侵旦謂言得志
一作後便可焚筆硯少償辛苦時惟事寢與飯歲月不我留一
 生今過半中間嘗忝竊內外職文翰官榮日清近廩給亦豐美
 人情慎所習醜毒比安宴漸追時俗流稍稍學營辦盃盤窮水
 陸賓客羅俊彥自從中年來人事攻百箭非惟職有憂亦自老
 可歎形骸苦衰病心志亦退悞前時可喜事閉眼不欲見惟尋
 舊讀書簡編多朽斷古人重溫故官事幸有閒乃知讀書勤其

樂固無限少而干祿利老用忘憂患又知物貴久至宝見百鍊
 紛華暫時好俯仰浮雲散淡泊味愈長始終殊不變何時乞殘
 骸萬一免罪譴買書載酒歸築室一作屋 賴水岸平生頗論述詮
 次加點竄庶幾垂後世不然死芻豢信哉蠹書魚韓子語非訕
 讀梅氏詩有感示徐生

子美勿已死聖俞舍我南嗟吾譬馳車而失左右驟勅敵嘗壓
 壘羸兵當戒嚴凡人肯勉強情逸易安恬吾既苦多病交朋復
 凋殲篇章久不作意思如膠粘良田失時耕草莽廢鉏耨美井
 不日汲何由發清甘偶開梅此篇不覺日挂簷乃知文字樂愈
 久益無厭吾嘗哀世人聲利競爭貪哇咬聒兩耳死不享韶咸
 而幸知此樂又常深討探今官得閒散舍此欲奚耽頑庸雖警
 策賴子發其箝

聖俞惠宣州筆戲書

聖俞宣城人能使紫毫筆宣城諸葛高世業守不失緊心縛長
 毫三副頗精密硬軟適人手百管不差一京師諸筆工牌榜自
 稱述累、相國東比若衣縫蟲或柔多虛尖或硬不可屈但能
 裝管榻有表曾無實價高仍費錢用不過數日豈如宣城毫耐
 久仍可乞

送胡學知湖州

武平天下才四十滯鉛槧忽乘使君舟歸榜一作舫 不可纜都門
 春漸動柳色綠將暗挂帆千里風水闊江灩、吳興水晶宮樓
 閣在寒檻橘柚秋苞繁烏程春瓮釀清談越客醉屢舞吳娘豔
 寄詩毋憚頻一作煩 以慰離居念

大熱二首

四時成萬物寒暑迭鈞陶壯陽當用事大夏炎蒸敲造化本無
情怨咨徒爾勞身微天地濶四顧無由逃九門閭闔開萬仞崑
崙高積雪寒凜、清風吹寥、嗟我雖欲往而身無羽毛

陽暉燦四野萬里纖雲收羲和困路遠正午當空留枝條不動
影草木皆含愁溪林虎不嘯卧喘如吳牛蜩蟬一何微嗟爾徒
啾、

感興

啾、復啾、夜歎曉未息蟲聲急愈尖病耳聞若刺壯士易為
老良時難再得日月相隨東天行自南北三者不相謀萬古無
窮極安知人世間歲月忽已易

內押刺韻音戚

折刑部海棠戲贈聖俞

搖、墻頭花豔、爭青娥朝見開尚少暮看繁已多不惜花開

繁所惜時節過昨日枝上紅今日隨流波物理固如此去一作古
來知奈何達人但飲酒壯士徒悲歌

夜聞風聲有感奉呈原父舍人聖俞直講

夜半羣動息有風生樹端颯然飄我衣起坐為長歎苦暑君勿
厭初涼君勿歡暑在物猶盛涼歸歲將寒清霜忽已飛零露亦
溥溥霜露本無情豈肯私蕙蘭不獨草木爾君形安得完櫛髮
變新白鑑容消無一作故丹風竦共一作苦一作侵迫心志亦摧殘萬古
一飛隼兩矚雙跳丸擾擾賢與愚流沙逐驚湍其來固如此獨
久知誠難服食為藥誤此言真不刊但當飲美酒何必被輕紈

風雨三日不出呈聖俞

少年喜追隨老大厭諠譁慙愧二三子邀我行看花、開豈不
好時節亦云嘉因病既不飲衆歡獨成一作嗟管絃暫過耳風

雨愁還家三日不出門摧殘數寒鴉妻兒強我飲飢餒果與瓜
濁酒傾殘壺枯魚雜乾蝦小婢立我前赤脚雨髻丫軋、鳴雙
絃正如艣嘔啞坐令江湖心浩蕩思無涯寵祿不知報鬢毛今
已華有田清潁間尚可事桑麻安得一黃犢幅巾駕柴車

寄題劉著作義叟家園效聖俞體

嘉子治新園乃在太行谷山高地苦寒堂樹亦宜木羣花媚春
陽開落一何速凜、心節奇惟應松與竹毋栽當暑槿寧種深
秋菊、死抱枯枝槿艷隨昏旭黃楊雖可愛南土氣常燠未知
經雪霜果自保其綠顏色苟不衰始知根性足此外衆草花徒
能悅凡目千金買姚黃慎勿同流俗

感事二首

空山一道士辛苦學延齡一旦隨物化反言仙已成開墳見空

棺謂已超青冥尸或一作解如蛇蟬換骨脫其形既云須變化何
不任死生

仙境不可到誰知仙有無或乘九斑虬或駕五雲車朝倚扶桑
枝暮遊崑崙墟往來幾萬里誰復遇諸涂富貴不還鄉安事富
貴歟神仙不可見魑魅與為徒人生不免死魂魄入幽都仙者
得長生又云起太虛等為不在世與鬼亦何殊得仙猶若此何
况不得乎寄謝山中人辛勤亦何愚

行次葉縣

朝渡汝河流暮宿楚山曲城陰日下寒野氣春深綠征車倦長
道故國有喬木行、漸樂郊東風滿平陸

絳守居園池

嘗聞紹述守居偶來覽登周四隅異哉樊子怪可吁心欲獨絳

出無古初窮荒探幽入有無一語詰曲百盤紆孰云已出不剽
 襲句斷欲學盤庚書荒烟古木蔚遺墟我來嗟祗一作得其餘
 柏槐端莊偉丈夫蒼顏鬱々老不枯靚容新麗亦何殊清池翠
 蓋擁紅蕖狐鬚虎搏豈足道記錄細碎何區々處氏八卦画河
 圖禹湯皋虺一作陶緊唐虞豈不古奧萬世模嫉世姣巧一作習
 卑汙以奇矯薄駭羣愚用此猶得追寒徒我思其人為躊躇作
 詩聊謔為坐娛

洛陽牡丹圖

洛陽地脉花最宜牡丹尤為天下奇我昔所記數十種於今十
 年半忘之開圖若見古人面其間數種昔未窺客言一作近歲
 花特異往々變出呈新枝洛人驚誇立名字買種不復論家貧
 比新較舊難一作莫優劣爭先擅價各一時當時絕品可數者魏

紅窈窕姚黃妃壽安細葉開尚少一作朱砂玉板人猶一作未知
 傳聞千葉昔未有只從左紫名初馳四十年間花百變最後最
 好潛溪緋今花雖新我未識未信與舊誰妍媸一作所見
 已云絕豈有更好一作妍此可疑古稱天下無正色但恐世好隨
 時移靚紅鶴翎豈不美斂色如避新來姬何況遠說蘇與賀有
 類異世誇媿施造化無情宜一槩偏此著意何其私又疑人心
 愈巧偽天一作名欲鬪巧窮精微不然元化朴散久豈特近歲成
 澆漓爭新一作先鬪麗若不已更後百載知何為但應新花日愈
 好惟有我老年一作衰

贈無為軍李道士 二首

無為道士三尺琴中有萬古無窮音如石上瀉流水瀉之不音
 竭由源深彈雖在指聲在意聽不以耳而以心心意既得形骸

忘不覺天地白日愁雲陰

李世琴紋形一作如卧蛇一彈使我三咨嗟五音商羽上肅殺颯

颯坐上風吹沙忽然黃鐘回暖律當冬草木皆萌芽麗齊日午

公事退荒涼樹石相交加李師一彈鳳凰聲空山百鳥停嘔啞

我怪李師年七十面目明秀光如霞問胡以然笑語我慎勿辛

苦求丹砂惟當養其根自然耀其華又云理身如理琴正聲不

可干以邪我聽其言未云足野鶴何事還思家抱琴揖我出門

去獵歸袖風中斜

和劉原父澄心紙

君不見曼卿子美真奇才久已零落埋黃埃子美生窮死愈貴

殘章斷藁如瓊瑰曼卿醉題紅粉壁壁粉已剝昏烟煤河傾崑

崙勢曲折雪壓太華高崔嵬自從二子相繼没山川氣象皆低

摧君家雖有澄心紙有敢下筆知誰哉宣州詩翁餓一作欲死

黃鵠折翼鳴聲哀有時得飽好言語似聽高唱傾金壘二子雖

死此翁在老手尚能工剪裁奈何不寄反示我如棄正論求誹

詼嗟我今衰不復昔空能把卷闔且開百年干戈流戰血一國

歌舞今荒臺當時百物盡精好往往遺棄淪蒿萊君從何處得

此紙純堅瑩膩卷百枚官曹職事喜閒暇臺閣唱和相追陪文

章自古世不乏閒出安知無後來

答聖俞

人皆喜詩翁有酒誰肯一醉之嗟我獨無酒數往從一作翁何

所為君居南方我北走世路離合安可期汴渠千艘日上下來

及水門猶未知五年不見勞夢寐三日始往何其遲城東鰈河

有名字萬家棄水為汙池人居其上苟賢者我視此水猶漣漪

入門下馬解衣帶共坐習習春風吹溼薪螢熒煮薄茗四顧壁
 立空無遺萬錢方丈飽則止一瓢飲水樂無涯况出新詩數十
 首珠璣大小光陸離他人欲一不可有一作得君家筐篚滿莫持
 才大一作多名高乃富貴豈比金紫包愚癡貴賤同為一丘土聖
 賢獨如星日垂道德內樂不假物猶一作沂須朋友并良時蟬聲
 漸已變秋意得酒安問醇與醅玉堂官閒無事業親舊幸可從
 其私與翁老矣會有幾當棄百事勤追隨

思白兔雜言戲答公儀憶鶴之作

君家白鶴白雪毛我家白兔白玉毫誰將贈兩翁謂此二物皎
 潔勝瓊瑤已憐野性易馴擾復愛仙格何孤高玉兔四蹄不解
 舞不如霜鶴能清嘒低垂兩翅趁節拍婆娑弄影誇嬌嬈兩翁
 念此二物者久不見之心甚勞京師年少殊好尚意氣橫出爭

雄豪清尊美酒不輒飲千金爭買紅顏韶莫令少年聞我語笑
 我乖僻遭訛嘲或被偷開兩家籠縱此二物令逍遙路奔滄海
 却入明月窟鶴飛玉山千仞直上青松巢索然兩衰翁何以慰
 無繆織腰綠鬢既非老者事玉山滄海一去何由招

於劉功曹家見楊直講衰女奴彈琵琶戲作呈聖俞

大絃聲遲小絃促十歲嬌兒彈啄木啄木不啄新生枝惟啄槎
 牙枯樹腹花繁蔽日銷空園樹老叅天杳深谷不見啄木鳥但
 聞啄木聲春風和暖百鳥語山路磽确行人行啄木飛從何處
 來花間葉底時丁丁林空山靜啄愈響行人舉頭飛鳥驚嬌兒
 身小指撥硬功曹廳冷絃索鳴繁聲急節傾四坐為爾飲盡黃
 金觥楊君好雅心不俗太學官卑飯脫粟嬌兒兩幅青布裙三
 脚木牀坐調曲奇書古画不論價盛以錦囊裝玉軸披頭掩卷

有時倦卧聽琵琶仰看屋客來呼兒旋梳洗滿額花鈿貼黃菊
雖然可愛眉目秀無奈長飢頭頸縮宛陵詩翁莫笑渠人生自
足乃為娛此兒此曲翁家無

鳴鳩

天將陰鳴鳩逐婦鳴中林鳩婦怒啼無好音天雨止鳩呼婦歸
鳴且喜婦不亟歸呼不已逐之其去恨不蚤呼不肯來固其理
吾老病骨知陰晴每愁天陰聞此聲日長思睡不可得遭爾聒
聒何時停衆鳥笑鳴鳩爾拙固無匹不能娶巧婦以共營家室
寄巢生子四散飛一身有婦長相失夫婦之恩重太山背恩棄
義須臾間心非無情不得已物有至拙誠可憐君不見人心百
態巧且姦臨危利害兩相關朝為親戚暮仇敵自古常嗟交道
難

鬼車

嘉祐六年秋九月二十有八日天愁無光月不出浮雲蔽天衆
星沒舉手向空如漆抹天昏地黑有一物不見其形但聞其聲
其初切切淒淒或高或低下似玉女調玉笙衆管參差而不齊
既而呶呶啾啾若軋若抽又如百兩江州車回輪轉軸聲啞啞
鳴機夜織錦江上羣雁驚起蘆花洲吾謂此何聲初莫窮端由
老婢撲燈呼兒曹云此怪鳥無匹傳其名為鬼車夜載百鬼凌
空遊其聲雖小身甚大翅如車輪排十頭凡鳥有一口其聲已
啾啾此鳥十頭有十口口挿一舌連一一作喉有一口出一聲千
聲百響更相酬昔時周公居東周厭聞此鳥憎若讐夜呼庭氏
率其屬彎弧俾逐出九州射之三發不能中天遣天狗從空投
自從狗齒一頭落斷頸至今清血流爾來相距三千秋晝藏夜

出如鴝鷓每逢陰黑天外過乍見火光驚輒墜有時餘血下點
汚所遭之家家必破我聞此語驚且疑反祝疾飛無我禍我思
天地何茫茫百物巨細理莫詳吉凶在人不在物一蛇兩足反
為祥却呼老婢炷燈火捲簾開戶清華堂須臾雲散衆星出夜
靜皎月流清光

感二子

黃河一千年一清岐山鳴鳳不再鳴自從蘓海二子歿天地寂
然收雷聲百蟲壞戶不啟蟄萬木逢春不發萌豈無百鳥解言
語喧啾終日無人聽二子精思極揆天地鬼神無遁情及其
放筆騁豪俊筆下萬物生光榮古人謂此覩天巧命短疑為天
公憎昔時李杜爭橫行麒麟鳳凰世所驚二物非能致太平須
時大平然後生開元天寶物盛極自此中原疲戰爭英雄白骨

化黃土富貴何止浮雲輕唯有文章爛日星氣凌山岳常崢嶸
賢愚自古皆共盡突兀空留後世名

送張屯田歸洛歌

昔年洛浦見花落曾作悲歌歌落花愁來欲遣何可柰時向金
河尋杜家杜家花雖非絕品猶可開顏為之飲少年意氣易成
懽醉不還家伴花寢一來京國兩傷春憔悴窮愁九陌塵紅芳
紫蒼處處有騎馬欲尋無故人黃河三月入隨河河水多時悵
望多為憐此水來何處中有伊流與洛波忽聞君至自西京洗
眼相看眼暫明心衰面老畏人問驚我瘦骨清如水今年七月
妹喪夫稚兒孀女啼呱呱季秋九月予喪婦十月厭厭成病軀
端居移病新城下日不出門無過者獨行時欲彊高歌一曲未
終雙涕洒可憐明月與春風歲歲年年事不同暫別已嗟非舊

態再來應是作衰翁感時惜別情無已無酒送君空有淚西歸
必有問君人為道別來今若此

答謝景山遺古瓦硯歌

火數四百炎靈銷誰共代者當塗高窮姦極酷不易取始知文
景基局窄坐揮長喙啄天下豪傑競起如蝟毛董呂催汜相繼
死紹術權備爭咆咻力彊者勝怯者敗豈較才德為功勞然猶
到手不敢取而使螟蝗生蝮蝎子不當初不自恥敢謂舜禹傳
之堯得之以此失亦此誰知五馬食一槽當其盛時爭意氣叱
咤雷電生風颭干戈戰罷數功閔周茂方召堯無皋英雄致酒
奉高會巍然銅雀高峯峯圓歌宛轉激清徵妙舞左右回纖腰
一朝西陵看棋木寂寞總帳空蕭蕭當時淒涼已可歎而况後
世悲前朝高臺已傾漸平地此瓦一墜埋蓬蒿苔文半滅荒土

蝕戰血曾經野火燒敗皮弊網各有用誰使鑿鏡成凸凹景山
筆力若干弩句道語老能揮毫嗟子奪得何所用簿領朱墨徒
紛淆走官南北未嘗捨緹襲三四勤緘包有時屬思欲飛酒意
緒軋軋難抽縲舟行屢備一作被水神奪往往冥晦遭風濤質頑
物久有精怪常恐變化生靈妖名都所至必傳玩愛之不換魯
寶刀長歌送我怪且偉欲報慚愧無瓊瑤

答朱竊捕蝗詩

捕蝗之術世所非欲究此語興於誰或云豐凶歲有數天孽未
可人力支或言蝗多不易捕驅民入野踐其畦因之姦吏恣貪
擾戶到頭斂無一遺災蝗食苗民自若吏虐民苗皆被之吾嗟
此語祇知一不究其本論其皮驅雖不盡勝養患昔人固已決
不疑秉蠹投火况舊法古之去惡猶如此既多而捕誠未易其

失安在常由遲誥誥最說子孫衆為腹所孕多蛄蚘始生朝敵
暮已頃化一為百無根涯口含鋒刃疾風雨毒腸不滿疑常飢
高原下隰不知數進退整若隨金輦嗟茲羽孽物共惡不知造
化其誰尸大凡萬事悉如此禍當早絕防其微蠅頭出土不易
捕羽翼已就功難施只驚群飛自天下不究生子由山陂官書
立法空太峻吏愚畏罰反自欺蓋藏十不敢申一上心雖惻何
由知不如寬法擇良令告蝗不隱捕以時今苗因捕雖踐死明
歲猶免為蠖蓄吾嘗捕蝗見其事較以利害曾深思官錢二十
買一斗示以明信民爭馳斂微成衆在人力頃刻露積如京坻
乃知孽蟲雖甚衆嫉惡苟斂無難為往時姚崇用此議誠哉賢
相得所宜因吟君贈廣其說為我持之告採詩

日本刀歌

昆夸道遠不復通傳切切玉誰能窮寶刀近出日本國越賈得
之滄海東魚皮裝貼香木鞘黃白間雜鑰與銅百金傳入好事
手佩服可以禳妖凶傳聞其國居大島土壤沃饒風俗好其先
徐福詐秦民採藥淹流州童老百工五種與之居至今玩器皆
精功前朝貢獻屢往來士人往往工詞藻徐福行時書未焚逸
書百篇今尚存令嚴不許傳中國舉世無人識古文先王大典
藏絕域蒼波浩蕩無通律令人感激坐流涕鏞澁短刀何足云

奉使道中寄坦師

道人少賈海上遊海船破散身沉浮黃金滿篋人所寄吹簫偶
得還中州羸身歸不受報祇取斗酒相獻酬歡娛慈母終一
笑世脫去妻子藏巖幽蒼烟寥寥池水漫白玉菡萏吹高秋夜焚
柏子煮山藥憶此東望無時休塞垣春枯積雪溜沙磧威怒黃

雲愁五更匹馬隨雁起相見鄮郭花今稠百年夸奪終一丘世上滿眼真悠悠寄聲萬里心綢繆莫道異趣無相求

葛氏鼎

大河昔決東南流蕭條東郡今遺湫我從故老問其由云古五鼎藏高丘地靈川秀草木柔鬱鬱佳氣蒸常浮惟物伏見數有周秘藏奇怪神所摻天昏地慘鬼哭幽至寶欲出風雲秋蕩搖山川失維陬九龍大戰驅蛟虬割然岸裂轟雲雷一作馬羈滑人夜驚鳥嘲啁婦走抱兒扶白頭蒼生仰叫黃屋憂聚徒百萬如蚍蜉千金一掃隨浮漚天旋海沸動九州此鼎始出人間留滑人得之不敢收奇模古質非今侔器大難用識者不以示世俗遭柳叔明堂會朝饗諸侯饗官百品供王羞調以五味烹全牛時有用捨吾無求二三子學雕琳球見之始驚中歡愀披荒蕪古

爭窮菟苦語難出聲伊嘍馬圖出河龜一作龍負疇自古恠說何悠悠嗟我老矣不能休勉強作詩慙效尤

綠竹堂獨飲

夏篁解籜陰加交卧齋公退無喧囂清和况復值佳月翠樹好鳥鳴咬咬芳樽有酒美可酌胡為欲飲先長謠人生暫別客秦楚尚欲泣淚相攀邀况茲一訣乃永已獨使幽夢恨蓬蒿憶予驅馬別家去去時栢陌東風高楚鄉留滯一千里歸來落盡李桃與殘花不共一日看東風吹哭聲嗷嗷洛地不見青春色白楊但有風蕭蕭姚黃魏紫開次第不覺成恨俱零彫榴花最晚今又折紅綠點綴如裙腰年芳轉新物轉好逝者日與生期遙予生本是少年氣磋磨牙角爭雄豪馬遷班固洎歆向下筆點竄皆嘲嘈客來共坐說今古紛紛落盡玉塵毛彎弓或擬射石

虎又欲醉斬荆江蛟自言剛氣貯心腸何爾柔軟為脂膏吾聞
莊生善齊物平日吐論竒牙聳憂從中來不自遣強叩瓦缶何
說：伊人達者尚乃爾情之所鍾况吾曹愁填胸中若山積雖
欲強飲如沃焦乃判自苦英壯氣不有此恨如何消又聞浮屠
說生死滅沒謂若夢幻泡前有萬古後世其中一世萬猶刀蝟
安得獨灑一榻淚欲助河水增滔：古來此事無可奈不如飲
此罇中醪

雪

新陽力微初破萼客陰用壯猶相薄朝寒稜稜風莫犯暮雪綫
綉止還作馳驅風雲初慘淡炫晃山川漸開廓光世可愛初日
照潤澤終為和氣燥美人高堂晨起驚幽士虛牕靜聞落酒爐
成徑集餅罌獵騎尋蹤得狐貉龍蛇掃處斷復續猊虎團成呀
且攫其貪終歲飽麩麥豈惜空林飢鳥雀沙墀朝賀迷象笏桑
野行歌沒芒屨乃知一雪萬人喜願我不飲胡為樂坐看天地
絕氛埃使我胃襟如洗滌脫遺前言笑塵雜搽索萬象窺冥漠
穎雖陋邦文士眾巨筆人人把矛槩自非我為發其端凍口何
由開一噓

黃牛峽祠

大川雖有神淫祠祀亦其俗石馬繫祠門山鷗噪叢木潭潭村鼓
隔溪聞楚巫歌舞送迎神画船百丈山前路上灘下峽長來去
江水東流不暫停黃牛千古長如故峽山侵天起青嶂崖岨路
絕無由上黃牛不下江頭飲行人惟向舟中望朝暮見黃一
牛徒使行人過此愁山高更遠望猶見不是黃牛滯客舟

黃牛暮見黃牛一
朝一暮黃牛如故

語曰
朝見

千葉紅梨花

峽州署中舊有此花

紅梨千葉愛者誰，白髮即官心。好奇徘徊繞樹，不忍折一日千
 帀。看無時夸陵寂寞，千山裏地遠氣偏。時節異愁烟苦霧少芳
 菲，野卉蠻花鬥紅紫。可憐此樹生此處，高枝絕紅一作艷無人顧。
 春風吹落復吹開，山鳥飛來自飛去。根盤樹老幾經春，真賞今
 終遇使君風。輕絳雪罇前日暖，舞繁香露下。聞從來奇物產天
 涯，安得遺根植帝家。猶勝張騫為漢使，辛勤西域徙榴花。黃牛峽以

徵古諺紅梨花以廣異聞其詩可勿論也

希真堂東手種菊花十月始開

當春種花唯恐遲，我獨種菊君勿謂。春枝滿園爛張錦，風雨須
 臾落巔倒。看多易厭情不專，門紫誇紅隨俗好。豁然高秋天地
 肅，百物衰零陵一作誰暇。弔君看金蘂正芬敷，曉日浮霜相照耀。

煌煌正色秀可餐，藹藹清香寒愈峭。高人避喧守幽獨，淑女靜
 容修一作羞窈窕。方當搖落看轉佳，慰我寂寥何以報。時攜一樽
 相就飲，如得貧交論。久要我從多難壯，心哀迹與世人殊。靜躁
 種花勿一作種兒女花，老大安能逐年少。

贈沈博士歌遵

沈夫子胡為醉翁吟，醉翁豈能知爾琴。滁山高絕滁水深，空巖
 悲風夜吹林。山溜白玉縣青岑，一瀉萬仞源莫尋。醉翁每來喜
 登臨，醉倒石上遺其簪。雲荒石老歲月侵，子有三尺徽黃金。寫
 我幽思窮崎嶇，自言愛此萬仞水。謂是太古之遺音，泉淙石亂
 到不平。指下鳴咽悲人心，時時弄餘聲言語軟滑如春禽。嗟乎
 沈夫子，爾琴誠工彈。且止我昔被謫居滁山，雖為翁實少年坐
 中醉客。誰最賢，杜彬琵琶皮作絃。自從彬死世莫傳，玉練鎖坡

詩云新客從翻玉聲入黃泉死生聚散日零落耳冷心衰翁索
連鎖練疑當作連聲入黃泉死生聚散日零落耳冷心衰翁索
莫國恩未報慙祿厚世事多虞嗟力薄顏推鬢改真一翁心以
一作憂醉安知樂沈夫子謂我翁言何苦悲人生百年間飲酒
能幾時攪衣推琴起視夜仰見河漢西南移

樂哉襄陽人送劉太尉從廣一作赴襄陽

嗟爾樂哉襄陽人
薨屋連薨清漢濱
語言輕清微帶秦
南通交廣
西岷岷羅穀
織麗藥物珍
枇杷甘橘薦清樽
磊落金盤爛璘璘
槎頭縮項言所聞
黃橙擣薑香復辛
春雷動地竹走根
錦苞玉筍味爭新
鳳林花發南山春
掩映谷口藏山門
樓臺金碧瓦鱗鱗
峴首高亭倚浮雲
漢水如天瀉沅沔
斜陽返照白鳥羣
兩岸桑柘雜耕耘
文王遺化已寂寞
千載誰復思其仁
荆州漢魏以來重
古今相望多名臣
嗟爾樂哉襄陽人
道扶白髮抱幼孫

遠迎劉侯朱兩輪
劉侯年少氣甚淳
詩書學問若寒士
樽俎談笑多嘉賓
往時邢洛一作甚有善政
至今遺愛留其民
誰能持我詩以往
為我先賀襄陽人

謝觀文王尚書惠西京牡丹舉正

京師輕薄兒
意氣多豪俠
爭誇朱顏事一作競
年少肯慰白髮將
花挿尚書好事士一作士
與俗殊憐我
霜毛苦蕭颯
贈以洛陽花
滿盤開麗爭
奇紅紫雜
兩京相去五百里
幾日馳來足何捷
紫檀金粉香未吐
綠萼紅苞露猶浥
謂我嘗為洛陽客
頗向此花曾涉獵
憶昔進士初登科
始事相公治吏牒
河南官屬盡賢俊
洛城池苑一作苑相連接
我時年纔二十餘
每到花開如蛺蝶
姚黃魏紫腰帶鞞
潑墨齊頭藏綠葉
鶴翎添色又其次
此外雖妍猶婢妾
爾來不覺三十年
歲月纔如熟羊胛
無情草木不改色
多

難人生自摧拉見花了了雖舊識感物依、幾枚曉念昔逢花
 必沽酒起坐驩呼屢傾榼而今得酒復何為愛花繞之空百匝
 心衰力懶一作難勉疆與昔一何殊勇怯感公意厚不知報墨
 筆淋漓口徒囁

嘗新茶呈聖俞

建安三千里京師三月嘗新茶人情好先務取勝百物貴蚤相
 矜誇年窮臘盡春欲動蟄雷未起驅龍蛇夜聞擊鼓滿山谷千
 人助叫聲喊呀萬木寒癡睡不醒惟有此樹先萌芽乃知此為
 最靈物宜其獨得天地之英華終朝採摘不盈掬通犀銙小圓
 復窠鄙哉穀兩槍與旗多不足貴如刈麻建安太守急寄我香
 蕝包裹封題斜泉甘器潔天色好坐中揀擇客亦嘉新香嫩色
 如始造不似來遠從天涯停匙側盞試水路拭目向空看乳花

可憐俗夫把金錠

一作挺 一作鋌 茶錄多用挺字

猛火炙背如蝦蟇由來真物

有真賞坐逢時老頰咨嗟須臾共起索酒飲何異奏雅終滄哇

洗兒歌 為聖俞作

月暈五色如虹蜺溪山猛虎夜生兒虎兒可愛先陸離開眼已
 有百步威詩翁雖老神骨秀想見嬌嬰目與蒼木星之精為紫
 氣照山生玉水生犀兒一作此翁不比他兒翁三十年名天下知
 材高位下衆所惜天與此兒聊慰之翁家洗兒衆人喜不惜金
 錢散閭一作鄰里宛陵他日見高門車馬煌、梅氏子

奉答原父見過寵示之作

不作流水聲行將二十年吾生少賤足憂患憶昔有罪初南遷
 飛帆洞庭入白浪淚墮三峽聽流泉援琴寫得入此曲聊以自
 慰窮山間中間永陽亦如此醉臥幽谷聽潺湲自從還朝戀榮

祿不覺鬢髮俱凋殘耳衰聽重手漸顛自昔指法將誰傳偶欣
 日色曝書畫試拂塵埃張斷絃嬌兒癡女繞翁膝爭欲彊翁聊
 一彈紫微閣老適我過愛我指下聲冷然戲語一作君此是伯牙
 曲自古常歎知音難君雖不能琴能得琴其其意斯為賢自非
 樂道甘寂寞誰肯顧我相留連興闌束帶索馬去却鎖塵匣色
 青檀

會飲聖俞家有作兼呈原父景仁聖從

憶昨九日訪君時正見階前兩叢菊愛之欲繞行百匝庭下不
 能容我足折花却坐時嗅之已醉還家手猶馥今朝我復到君
 家兩菊階前猶對束枯莖槁葉苦風霜無復滿叢金間綠京師
 誰家不種花碧砌朱欄敞華屋奈何來對兩枯株共坐窮簷何
 局促詩翁文字發天葩豈比青紅凡草木凡草開花數日間天
 葩無根長在目遂令我每飲君家不覺長併臥牆曲坐中年少
 皆賢豪莫怪我今隻鬢禿須知朱顏不可恃有酒當歡一作且
 相屬

雙井茶

西江水清江石老石上生茶如鳳爪窮臘不寒春氣蚤雙井穿
 生先百草白毛囊以紅碧紗十斤茶養一兩芽長安富貴五侯
 家一啜猶須三日誇寶雲日注非不精爭新棄舊世人情豈知
 君子有常德至寶不隨時變易君不見建溪龍鳳團不改舊時
 香味色

送龍茶與許道人

潁陽道士青霞客來似浮雲去無蹟夜朝北斗太清虛一作壇不
 道姓名人不識我有龍團古蒼壁九龍泉溪一百尺憑君汲井

試烹之不是人間香味色

戲石唐山隱者

石唐仙室紫雲深
潁陽真人此算心
真人已去升寥廓
歲歲巖花自開落
我昔曾為洛陽客
偶向巖前坐盤石
四字丹書萬仞崖
神清之洞鎖樓臺
雲深路絕無人到
鸞鶴今應待我來

宋元詩會卷之十一

皖桐陳

焯默公輯選

後學程

仕松臯叅較

歐陽修下

河南王尉西齋

寒齋日蕭索
天外敞簷楹
竹雪晴猶覆
山牕夜自明
禽歸窺野客
雲去入重城
欲就陶潛飲
應須載酒行

離彭婆值雨投臨汝驛回寄張九屯田司錄

投館野花遶羸驂
晚不前山橋斷行路
溪雨漲春田樹冷無棲
鳥村深起暮烟
洛陽山已盡休更問伊川

送祝熙載之東陽主簿

吳江通海浦
畫舸候潮歸
疊鼓山間響
高帆鳥外飛
孤城秋枕水
十室夜鳴機
試問還家客
遼東今是非

勞亭驛

孤舟轉山曲，豁爾見平川。樹杪帆初落，峰頭月正圓。荒烟幾家聚，瘦野一刀田。行客愁明發，驚灘鳥道前。

題淨慧大師禪齋

巾屨諸方徧，莓苔一室前。萎花吟次處，一作落孤月定中圓齋鉢。都人施談機，海外傳時應。暮鐘響來度，禁城烟

送孟都官知蜀州

名即出粉闈，佳麗古關西。幾驛秦亭盡，千山蜀鳥啼。朱輪照耕野，綠芋覆秋畦。向闕應東望，雲深隴樹迷。

廣愛寺

都人布金地，紺宇巋然存。山氣蒸經閣，鐘聲出國門。老杉春自綠，古壁雨先昏。應有幽人屐，來留石藓痕。

雨後獨行洛北

北闕望南山，明嵐雜紫烟。歸雲向嵩嶺，殘雨過迴一作伊川樹繞。芳堤外橋橫，落照前依一作半荒苑。行處獨聞蟬。

智蟾上人遊南嶽

終日念雲壑，南歸心浩然。青山入楚路，白水望湖田。野渡惟浮鉢，山家少施錢。到時春尚早，收茗綠巖前。

張主簿東齋

官舍掩寒扉，聊同隱者棲。溪流穿竹過，一作山鳥入城啼賓至高談勝，心冥外物齊。惟應朝枕夢，長厭隔隣林。一作雞

春晚同應之偶至普明寺小飲作

偶來林下徑，共酌竹間亭。積雨添芳草，一作治殘花點綠萍野陰。侵席潤芳氣，襲人醒禽鳥。休驚顧都忘，兀一作形

送張如京之安肅軍

相逢舊從事新命忽臨戎界上山河壯軍中鼓角雄朔風馳駿
馬塞雪射驚鴻試取封侯印何如筆硯功

鄭十一先輩赴四明墓

梁漢褒斜險夫君畏遠遊家臨月山下帆入海潮頭岸柳行梢
盡江尊歸漸秋故鄉看衣錦寧羨李膺舟

送丁元珍峽州判官

為客久南方西游更異鄉江通蜀國遠山閉楚祠荒油幕無軍
事清猿斷客腸惟應陪畫諾不費日飛觴

送王尚恭隰州幕

去國初遊宦從軍苦寂寥愁雲帶傍一作城起画角向山飄秋勁
方馳馬春寒正襲貂遙知為客恨應賴酒消杯

送餘姚陳寺丞

銅墨佩腰間中流望若似一作仙鳴蟬汴河柳画鷁越鄉船下瀨
逢江雁瞻氛落海鳶山川仍客思盡入隱侯篇

初寒

多病掩殘歲初寒悄獨吟雲容乍濃淡秋色半晴陰籬菊催佳
節山泉響夜琴自能知此樂何必戀腰金

夕照

夕照留歌扇徐暉上桂叢霞光晴散錦雨氣晚成虹燕下翻池
草烏驚傍井桐無慘照湘水丹色映秋風

禁火

火禁開何晚春芳半已凋柳風蕪絮墜榆兩帶錢飄淚剪蘭膏
盡弦虧桂魄消祓觴流水曲游禊一相招

閑居即事

卷有容車陋門無載酒過池喧蛙怒雨客去雀驚羅握臂如枝
骨哀弦繫一作擊筋歌無慘漳浦臥還似咏中阿

夜意

蕙柱爐熏斷蘭膏燭艷煎夜風多起籟曉月漸虧弦鵲去星低
漢烏啼樹暝烟惟墻應外柳三起復三眠

送客回馬上作

南浦空波綠西陂夕照寒瑤華傷遠道芳草繞歸鞍翠斂遙山
疊氛收古澤寬衰容畏秋色不及楚楓丹

小圃

桂樹鴛鴦起蘭苔翡翠翔風高絲引絮雨罷葉生光蝶粉花露
紫蜂茸露濕黃愁醒與消渴容易為春傷

旅思

調苦歌非樂岐多淚始零羞彈長劍終戀五侯鯖陌草熏沙
綠江楓照岸青南陔動歸思蘭葉向春馨

留守相公移鎮漢東

周郊徹楚垌舊相擁新旌路識青山在人今白首行問農穿稻
野候節見梅英腰組人稀識偏應郎吏驚

伊川獨遊

綠樹繞伊川人行亂石間寒雲依晚日白馬向青山路轉香林
出僧歸楚渡閑巖阿誰可訪興盡復空還

題張損之學士蘭皋亭

碕岸接芳蹊琴觴此自怡林花朝落砌山月夜臨池雨積蛙鳴
亂春歸鳥啞移惟應乘興客不待主人知

黃溪夜泊

楚人自古登臨恨暫到愁腸已九迴萬樹蒼烟三峽暗滿船明月一猿哀非鄉况復驚殘歲慰客偏宜把酒杯行見江山且吟咏不因遷謫豈能來

縣舍不種花惟栽楠木冬青茶竹之類因戲書七言四韻
結綬當年仕兩京自憐年少體猶輕伊川洛浦尋芳偏魏紫姚黃照眼明客思病來生白髮山城春至少紅英芳叢密葉聊須種猶得蕭蕭聽雨聲

戲答元珍

春風起不到天涯二月山城未見花殘雪壓枝猶有橘凍雷驚筍欲抽芽夜聞歸雁生鄉思病入新年感歲華曾是洛陽花下客野芳雖晚不須嗟

夸陵歲暮書事呈元珍表臣

蕭條雞犬亂山中時節崢嶸忽已窮遊女髻鬟風俗古野巫歌舞歲年豐平時都邑今為陋敵國江山昔最雄荆楚先賢多勝跡不辭携酒問隣翁

離峽州後回寄元珍表臣

經年遷謫厭荆蠻惟有江山興未闌醉裡人歸青草渡夢中船下武牙灘野花零落風前亂一作舞飛兩蕭條江上寒荻筍時魚方有味恨無佳客共杯盤

內直對月寄子華舍人持國廷評

禁署一作省沈沈玉漏傳月華雲表溢金盤纖埃不隔光初滿萬物無聲夜向闌蓮燭燒殘愁夢斷蕙爐熏歇覺衣單水晶宮鎖黃金闕故比人間分外寒

李留後家聞箏坐上作

不聽哀箏二十年忽逢纖指弄鳴絃綿蠻巧轉花間舌嗚咽交
流水下泉常謂此聲今已絕問渠從小自誰傳樽前笑我聞彈
罷白髮蕭蕭涕泣然

和梅聖俞元夕登東樓

憑高寓目偶乘閒袷服遊人見往還明月正臨雙闕上行歌還
聽九衢間黃金絡一作東馬追朱憶紅燭籠紗照玉顏與世漸一作
已踈今老矣佳辰樂事豈相關

和較藝書事

相隨懷詔下天閣一鎖南宮隔幾旬玉塵清談消永日金樽美
酒惜餘春盃盤飭粥春風冷池館榆錢夜雨新猶是人間好時
節歸休過我莫辭頻

出省有日書事

凌晨小雨壓塵輕閒意登高望禁城樹色連雲春泱泱風光著
草日清明看榆吐英驚將落見鵲移巢忽已成誰向兒童報歸
日為翁寒食少一作且留飭

和較藝將畢

槐柳來時綠未勻開門節物一番新踏青寒食追遊騎賜火清
明忝侍臣拂面蜘蛛占喜事入簾蝶翅報家人莫嗔年少思歸
切白髮衰翁尚惜春

唐崇徽公主手痕和韓內翰

故鄉飛鳥尚啁啾何況悲茄出塞愁青塚埋魂知不返翠崖遺
跡為誰留玉顏自古為身累肉食何人與國謀行路至今空嘆
息巖花澗草自春秋

早朝感事

踈星牢落曉光微
殘月蒼龍闕角西
玉勒爭門隨仗入
牙牌當殿報班齊
羽儀雖接鶴無鷺
野性終存鹿與麋
笑殺汝陰常處士
十年騎馬聽朝音鷄

寄渭州王仲儀龍圖

羨君三作臨邊守
慣聽悲茄不慘然
弓勁秋風鳴画角
帳寒春雪壓青氊
威行四境烽烟斷
響入千山號冷號
翠幙紅燈照羅綺
心情何似十年前

三日赴宴口占

賜飲欣逢禊節佳
昆池新漲碧無涯
九門寒食多游騎
三月春陰正養花
共喜流觴修故事
自憐霜鬢惜年華
鳳城殘照歸鞍晚
禁樂無風柳自斜

蘓主簿挽歌洵

布衣馳譽入京都
丹旆俄驚一作聞反舊閭
諸老誰能先賈誼
君王猶未識相如
三年弟子行喪禮
千兩鄉人會葬車
我獨空齋挂塵榻
遺編特閱子雲書

戲書示黎教授

古郡誰云僻陋邦
我來仍值歲豐穰
烏銜束實園林熟
一作蜂採檜花村落香
世治人方安隴畝
興闈吾欲反耕桑
若無潁水肥魚蟹
終老仙鄉作醉鄉

答資政鄧諫議見寄

豪橫當年氣吐虹
蕭條晚節髮如蓬
欲知潁水新居士
即是滁山舊醉翁
所樂潘籬追尺一作斤鷄
敢言廖廓逐冥鴻
期公歸輔巖廊上
顧我無忘畎畝中

曉詠

簾外星辰逐斗移紫河聲轉下雲西九雛烏起城將曙百尺樓
高月易低露浥蘭苔惟有淚秋荒桃李不成蹊西堂吟思無人
助草滿池塘夢自迷

送目

送目衡臯望不休江蘋高下徧汀洲長堤柳曲妨回首小苑花
深礙倚樓楚徑蕙風消病渴洛陽花雪蕩春愁流杯三日佳期
過擲度蘭波負勝遊

舟中寄劉昉秀才

東南天濶漾歸流西北雲高斷寸眸明月隨人來遠浦青山答
鼓送行舟歸心逐夢成魚鳥夜漢首星識斗牛驪一作酒開樽
誰共醉清江聊且玩遊鱗

即目

李徑陰森接翠疇押簾風日澹清秋晚烏蔽柳棲殘照遠燕傷
風失故樓星漢經年雖可望雲波千疊不減愁平居草帶頻移
孔誰問無慘沈隱侯

初至虎牙灘見江類龍門

曉鼓潭潭客夢驚虎牙灘上櫂船行山形酷似龍門秀江色不
如伊水清平日兩京人少壯今年三峽歲崢嶸臥聞乳石淙流
響疑是香林八節聲

贈王介甫

翰林風月三千首吏部文章二百年老去自憐心尚在後來誰
與子爭先朱門歌舞爭新態綠綺塵埃試拂絃常恨聞名不相
識相逢樽酒盍留連

酬王君玉中秋席上待月值雨

池上雖然無皓魄樽前味未減清歡綠醅自有寒中力紅粉尤
宜燭下看羅綺塵隨歌扇動管絃聲雜雨荷乾客舟閒臥王夫
子詩陣教誰主將壇

答端明王尚書見寄

多病新還太守章歸來白首興何長琴書自是千金產日月閒
銷百刻香尚有俸錢沽美酒自裁花圃趁新陽醉翁生計今如
此一笑何時共一觴

豐樂亭游春 三首

綠樹交加山鳥啼晴風蕩漾落花飛鳥歌花舞太守醉明日酒
醒春已歸

春雲淡日輝草惹行襟絮拂衣行到亭西逢太守籃輿醜

酹插花歸

紅樹青山日欲斜長郊草色綠無涯遊人不管春將老一作來
往亭前踏落花

画眉鳥

百轉千聲隨意移山花紅紫樹高邨始知鎖向金籠聽不及林
間自在啼

別滁

花光濃郁柳輕明酌酒花前送我行亦且一作如常日醉我莫
教弦管作離聲

蔣之奇附

字穎叔宜興人舉進士中春秋三傳科擢監察御史轉殿
中初之奇為歐陽修所厚附會濮議以得御史復懼衆議
乃引無根之詞劾修用掩前跡會問狀無實貶監道州酒
稅改宣州歷福建淮東轉運判官副使元祐初進侍制知

潭州改知廣州徙河北都轉運知羸州紹聖中拜翰林學士崇寧初出知杭州移疾提舉靈仙觀卒年七十四之奇官內外以治辦稱獨叛歐陽修為清議所薄

甘卓壘

人家白雪中鳥道青雲裏耕鑿競畝田漁樵喧會市繡出羅霄山倒流楊岐水三真不可尋寥寥忽千祀更想用兵時踟躕甘卓壘

萍鄉即事

地接長江近鄉名自古聞毛山千嶂雪玉女一墩雲

嘉禾驛

盱江清淺見遊鱗百尺飛橋跨碧津行過水南看更好風光駘蕩百花春

磨劍池

聞說旌陽舊築壇故修浮水一來看至今磨劍池猶在冷浸一

天星斗寒

孤嶺

鮫綃剪下碧隻坐歸挹清流背紫微北向更登孤嶺去此身還傷白雲飛

謝謝景初

謝絳希淡之長子壽之孫也初仕官餘姚令

餘姚董役海隄有作

五行交相陵海水不潤下處壞堤防白浪大於馬顧予為其長恐懼敢暫捨董衆完築塞跋履率曠野使人安於生茲不羞民社調和陰與陽自有任責者

法喜堂

虛堂庇風雨結構不務壯外飾無髣髴置物况容長開篋藥劑
靈拈棋白黑抗階花澹亦天庭石碧交內出門鳥雀喧燕處勿
我喪吳俗夸有素佛徒侈相尚獨能守質靜坐以矯流宕棲之
果自喜何須山海上

謝謝伯初

文文鑑但有姓名未詳爵里考其詩係寄歐陽永叔夷陵而歐在夷陵時亦有長句代書寄謝三舍人當即伯初也

許昌公字書懷呈歐陽永叔韓子華王介甫

十年趨競浪求榮因得聞曹減宦情亂種黃花看野景旋移高
竹聽秋聲驅馳賤事猶干祿約勒清狂為近名蚤晚持竿釣鱸
鰕雙溪烟雨一舟橫

走筆寄夷陵歐陽永叔

舟行無險似瞿塘浦峽猿聲斷旅腸萬里更堪人謫宦經年應

合鬢成霜長官衫色江波綠學士文華蜀錦張去似長沙非黜

辱比於連罷亦遐荒韓退之以言事可能作賦嘲巫渚好為投

文吊耒陽杜子美下耒下國難留金馬客新詩傳與竹枝娘才

如夢得多為累情甚安仁久悼亡絕境化成儒雅俗遠民爭識

校讐郎典詞縣待修青史諫草當來露皂囊不用臨流羨漁者

便將纓足濯滄浪

王疇

字景彝曹州濟陰人父博文官同知樞密時以父蔭補將作監主簿登進士第累遷太常博士宋初提舉諸司庫務薦疇勾當公事時有宦官同提舉者疇謝不往用賈昌朝薦改編修唐書累遷給事中於英宗即位後上疏切直所請御朝聽政及仁宗虞祭配享諸大禮皆有神蓋帝與執政大臣俱器異之遷翰林學士數月拜樞密副使在位五

十五日卒贈兵部尚書謚忠簡

送同年蒲叔範察判杭州監

釋之久未調王粲嘗從軍謂言塞垣事壯氣橫風雲育材幸明
 代薦賢無令君如何漢酷冗沈此荆山珍萍氏本幾酒周官有
 彝倫孝武事攘卻志清天地屯連兵無時已四海蕭然貧官始
 操釀具權之飽師人利源一以洩頽波蕩無垠糜穀費未耜良
 藥爭清醇酒禁著律令犯咎及其身狂藥乃陷穿傷哉堯舜民
 炎靈屬我后天資英且仁邦力蚤雄富漢制仍相循歲賦二千
 萬經入固已勤大農天下酒科彌年擁武節乘邊清國氛雄雄
 古當何云杭城東秦仰給傾府庫賞賚圖戎勲加斂猶不足返
 古當何云杭城東南劇地將湖海鄰權利冠天下旗亭壓重闔
 彼雖斗筭職亦擇才英臣風露氣已肅溪潭寒彌新沙桷朝泛
 泛吳濤暮泛泛南州近牛斗氣象雄霜旻汀楓變老枿赤葉晴
 相紛嘗茶泊幽寺觀魚下輕輪行當收翹楚寧復混蒸薪無為

狎吳叟坐戀秋江專

李覲

字泰伯建昌軍南城人俊辨能文親老以教授自資從學
 常數十百人皇祐初范仲淹薦為試太學助教上明堂定
 制圖嘉祐中用國子監奏召為海門主簿太學說書而卒
 所著有周禮致太平論平土書退居類稿皇祐續稿等書

流杯池

幽居久不樂心死如涇灰聞言山有池仙客曾流杯披衫向西
 坐欲望無崇臺何當命遊宴盡聚不羈才顧恐狹隘地未足開
 吾懷仰手斲河漢決向天南來移舟復轉獄壅遏成環迴橫持
 北斗柄量盡酒星醅箕踞接下流一飲空千壘八風助吟唱萬
 怪供嘲諧醉來散髮臥蠅聲視霆雷冷咲勢利子茫茫塵土堆

獲稻

朝陽過山來下田猶露溼餉婦念兒啼逢人不敢立青黃先後

收斂折偃僕拾鳥鼠盈官倉新租喜復入

哀老婦

里中一老婦行行啼路隅自悼未亡人暮年從二夫寡時十八
九嫁時六十餘昔日遺腹兒今茲垂白鬚子豈不欲養母豈不
願居徭役及下戶財盡無所輸異籍幸可免嫁母乃良圖牽車
送出門急如賊盜驅兒孫孫有婦小大攀且呼回頭與永訣得
死無刑誅我時聞此言為之長歎吁天民固有窮鰥寡實其徒
吾君務復古旦旦師黃虞赦書褒節婦許與旌門閭州縣莫能
察詔旨徒成虛

寄懷二首

鳥獸死有用羽角筋革齒鞞輓入工師飾作軍國器玉食白如
瓠瞑目已腐穢生者不敢留埋藏與螻蟻百年富貴身孰若鳥
獸類惟有令人名終古如不死
根生但為松翼飛但為鳳王侯尚可輕道義本來重癡兒似婢
妾寸步矜恩寵傍人忍笑時佯把衣袂弄

江亭醉後

平生尚倜儻壯大苦挫折主人能結納佳境為鋪設渺瀰東江
來豁訝暮雲裂倡女稍多藝市酒且供啜俠氣復何聊心朋幸
相悅解冠從放蕩大呼誰輓製咄哉千里足嗟呼三寸舌艷唱
聲非雅戲譚理當譎帷房笑私昵閭巷嘲瑣屑更鼓莫摧睡夜
風纔去熱俗士鮮大志于今重小節內家豕在泥外貌犬伏紕
吾儕古英豪方寸浴日月被謫肯自疑為歡顧猶拙放飯彼不
慙使我無齒決

姜女篇

繁霜毒春木花開苦不蚤愚夫擇利婚美女貧中老曷不治顏
色門前車馬道閨房有禮文自銜誰言好俗態競朱粉古心慕
蘋藻所期君子思卒以慰枯槁

竹齋題事

低齋結空野小竹移孤林齋閒竹淨好日媚幽人心南方夏厭
暑獨此留殘陰夏雨挫殘夢穿風撈涼襟長茵展麗薜亂歌奏
歡禽待奴畏村服語客拋塵簪志高成利讐思爽生詩淫值聖
喜盈卷感古悲入琴山迎穩履遠月勸澄杯深榮名雖未染幸
亦非堙沈

愁熱

江湖限南鄙秋令到還稀節換空看歷人間未趁衣齊紈方得
意厦燕莫言歸祇有松筠徑風高暑氣微

鑑湖夜泛

明月到樽前拏舟古岸邊亂山斜入霧遠水倒垂天酒氣熏龍
戲歌聲弄鶴眠迴頭嗤李郭此外更無仙

閒居

無物可勞情空郊日閉扃雨吟春破碎貧飲客凋零世事重江
險才名一夢醒同心祇松栢見我尚青

送張巖叟

人意皆懷土嗟君無故園欲行須盡室此去又他門靜裏文章
好貧來節行存振淹知有日倚伏豈虛言

寄題廖說蒙亭

聖人雖在上君子有窮時自得山居樂何須世俗知夜多松月
分涼與水風期只恐亨通去清閒却付誰

遠山

最能牽病眼天際一山橫盡日是秋色無人知地名暗時雲自合缺處路應平才子霑衣淚千秋共此情

感秋

閏

徒倚重咨嗟非緣惜歲華山山異鄉客砧杵別人家天冷雲含日溪清水現沙屈魂終不返悲思更無涯

次韻答陳殿丞

貧

不能隨薄俗非是向深山自喜道無屈所嗟心未閒酒鄉更更入詩債病猶遷一字成虛美通宵只厚顏

讀趙氏淳化詩集

少年曾誦習誤認古人詩風雅世不重姓名誰得知高情如隱者薄宦過明時地下尋才鬼應逢隆與皮

送李侍禁

三載旰江上軍和盜亦殲事煩終不倦貧極始知廉別袖揮寒日歸舟載夜蟾懋功宜有賞天意在官占

怡山長慶寺

行，金碧裏氣象恍如春不記來時路自嫌衣上塵院香知有佛僧靜似人無人十載京華夢相逢一度新

南齋咏風

懊惱南牕一道風只應天配與貧窮不歸羅綺飄飄處故入松篁冷淡中久坐披襟塵榻穩半醒吹面月惟空城邊菡萏知多少偷得清香是爾功

殘葉

一樹摧殘拾作薪欄邊為汝最傷神休翻雨滴寒鳴夜曾抱花

枝暖過春影裏有情惟日月愁邊無主是泥塵上陽宮女多詩
思莫寄人間取次人

早夏偶作

閒愁不覺過年光強半精神似醉鄉幾度雨來成驟熱有時雲
斷見斜陽古人事業塵空滿故國園林草自長賴得南華憐我
病一篇齊物勝醫方

篷屋

長簷數尺庇堂東疎漏從來只有篷日影碎如秋樹下雨聲初
似夜船中竹經蠹後多坐地若到乾時半捲空此處想非人所
競江湖終是屬漁翁

野意亭

福塘城郭掌中窺旭日登臨到落暉誰在画簾沽酒處幾多嗚

櫓趁潮歸晴時海色依稀辨醉後鄉愁積漸微山鳥不知紅粉

樂纔聞歌板便驚飛按蔡君謨官閩李泰伯往訪之時有處士
陳烈同坐君謨命營妓佐酒陳素狗禮法

纔聞妓樂踰牆而走茲末句蓋嘲處士也。別本首句作七閩
山水掌中窺乘興登臨對落暉末句作一聲檀板便驚飛明日

處士後牒君謨大話
泰伯蔡為一笑解之

靈源洞

纔出塵來尚未知漸攀藤竹漸臨危伏流似是龍藏處古樹應
無春到時誰把石厓齊剝削直教雲氣當簾帷良工画得猶宜
祕莫與凡夫肉眼窺

閱書

行、四月晦締絡未能裁天氣疑無定春寒恐再未龍衣從汗
浹交扇取風回野秀深成候鑪熏冷作媒年高情已淡俗薄意
多猜李杜今何在芳樽誰與開

秦人洞

秦人雖甚苛秦吏似猶拙山林不數里便爾逃得脫

烏鵲

烏鵲翩，競羽毛南飛無樹過良宵就中管得他人事祇與天孫倩作橋

睡起

簟卷鱗紋帳繫紗六龍西降樹陰斜祇應夢裏成蝴蝶猶記南園數種花

憶錢塘江

昔年乘醉挂歸帆隱，前山日半銜好是滿江流返照水仙齋著淡紅衫

送僧遊廬山

行非為客住非家此去廬山况不賒要見南朝舊人物池中惟有白蓮花

戲題荷花

昔人詩筆詠蓮花不嫁春風蚤可嗟今日倚欄添懊惱池臺多是屬僧家

陳烈

字季慈福州人官人性介解薦於孝友仁宗屢召之不起授本州教授國子直講皆不拜元祐初部使者申薦之詔從其尚以宣德郎致仕卒年七十六

題福唐津亭

溪上龍虎蟠溪水鼓角喧中宵鄉夢破六月夜衾寒風雨生殘木蛟螭喜怒瀾殷勤祝舟子移櫂過前灘

題燈

富家一椀燈太倉一粒粟貧家一椀燈父子相聚哭風流太守
知不知惟恨笙歌無妙曲按此二詩俱為蔡君謨作前以諷其
操下之急後以戒其宴遊之奢真諍

潘興嗣

字延之南昌人學士潘修真之孫以祖蔭調德化縣尉同
肥許瑛拜江州守興嗣往謁踞不為禮遂拂衣歸築室城
南足不造請者六十餘年熙寧初公卿
交薦弗起自號清逸居士卒年八十七

逍遙亭

作亭名逍遙此理誠不虛寬於一天下原憲惟桑樞况我卜清
曠風雨庇有餘方池容潏灑小徑足紫紆花木頗窈窕松筠亦
扶疎鳴蛙送鼓吹好鳥來笙竽可琴亦可飲亦可娛盤雖
無下筋賓食亦有魚恢論或申旦隱几忘移晷因來展足眠醉
倒從人扶率爾但欣暢因煩而領無鄴侯三萬軸方朔五車書

棄置復棄置任自相賢愚無妨吾逍遙此樂誠何如

師道

師道久不振小儒咸自私破崖求圭角務出已新奇惻去聖
遠六經秦火燬不有傳授學涉獵安所為漢儒守一經學者如
雲隨承習雖未盡模法有根基薦紳立朝廷開口應萬機附對
皆據經金石確不移熟爛見本末較然非可欺我願下學官各
立一經師務盡道德業不取章句辭庶幾昔人風炳然復在茲

龍沙

五陵無限人密視龍沙記龍沙雖未合氣象已靈異昔時蛟龍
湫半作桑麻地地形帶江轉洲渚有連勢陵谷豈可常淵膏在
何歲微生久慕道安恬輒忘味愧無及物功碌、恒斃繫生蒙
塵土辱未受神仙祕何時與孤鶴冉、從此逝

大梵院

蕭々竹木風瑟瑟澗下水中梵晚更幽人禽聲亦喜

宋元詩會卷之十二

皖桐陳

焯默公輯選

後學程

仕松皋叅較

宋庠

字公序安陸人徙雍丘遂為汴人天聖初舉進士第一擢大理評事同判襄州名試直史館累遷左正言以爭郭后之廢坐罰金久之知制誥權判吏部流內銓詔為翰林學士實元中參知政事與宰相呂夷簡論不合出知揚州皇祐中拜兵部侍郎即同書門下平章事誅官包極奏庠在政府無所建明以觀文殿大學士出知河南府再遷兵部尚書以檢校太尉兼侍中謚宣獻集四十年英宗即位改封鄭國公卒贈太尉無姓名

淑欲中之言其姓名有妨國號上諭改此

歲晏出沐感事內訟

山海有完士希世無良籌偶穿東郭履遂別野人舟不恥篆刻賦來肩英俊游私智甚鳧短塵容若鷓愁備員太史氏補屬富民侯姑學了官事何嘗分主憂口貪斗食利歲感星躔周中都

富才彥方駕若龍蚪茂先善史漢平律治春秋高文用司馬格
五寵吾丘間濶路逢葛績紛人名鄒桑羊興賈豎安國出縲囚
汲鄭貴交盛徐陳英藻道况乃天下樞雄雌來九州衣冠徑複
道鼓吹出長楸席上萬錢箸橋邊八列駒雍容紱魯玦意氣拂
吳鈞咨余良不避瓠甕厠林璆吹竽昔已濫枉梁今可尤臺閣
魏舒被風霜蘓季裘有志謝鶴軒無機防海鷗恭竢杜陵課誅
茅歸故疇

有將獨鶴行都市道上者左右奔迫野態憔悴因成短韻
明心本霄漢此路極喧埃何意鳴皋罷翻同舞市來波臣憂轍
涸海鳥避風災寄語昂質非君羽獨推

春夕

暝色蔽孤齋空軒向夕開花低應露下月暗覺雲來獨牖輕蛾

聚風枝倦鳥猜無言聊隱几萬鏡一靈臺

寄子京

八年三郡駕朱輪更忝鴻樞對國均老去師丹多忘事少來之
武不如人車中顧馬空能數海上浮鷗想見親唯有弟兄歸隱
志共將耕鑿報堯仁

府齋歲晏節物感人輒成拙詩上寄昭文相公

處世何常盡值才虛名高位自驚猜千重浪裏隨流出百尺竿
頭試險回衰髮不徒欺曉雪孤心兼欲伴寒灰嵩陽潁曲風烟
接已仗歸雲作隱媒

西湖展江亭

綠鴨東陂已可憐更因雲竇注西田鑿開魚鳥忘情地展盡江
湖極目天向夕舊灘都浸月過空新樹便留烟使君直欲稱漁

史願賜閔州不記年

宋 祁

字子京與兄庠同舉進士禮部奏祁第一章獻太后不款
 以弟先兄乃真祁第十呼曰小宋授復州軍事推官用孫
 奭薦召試授直史館遷太常博士同知禮儀院監出知壽州
 度支判官天章閣侍制判太常禮儀院國子監出知壽州
 陳州還知制誥入翰林為學士改龍圖學士史館修撰修
 唐書書成遷左丞進工部尚書踰月拜翰林學士承旨尋
 卒祁兄弟皆以文學顯而祁尤能文善議
 論惟清約莊重不及其兄云後謚景文

九日藥市作

陽九協嘉神期入始多暇五藥會廣塵遊肩開相駕靈品羅賈
 區仙芬冒闔舍擷露來山阿斲烟去巖罅係道雜提携盈襜更
 薦藉乘時物無賤投乏利能射養芥互作主參齊交相假曹植
 謹贖令韓康無二價西南歲多癘卑濕連春夏佳劑止刀圭十
 金厚相謝刺史主求瘼萬室擊吾化顧賴惡石功捫衿重慚嗜

海棧

哆熾風葉張困皴雨皮厚叢榛列蓋端攢旄注旗首物以稀見
 珍材綠怪忘醜

枇杷

有果產西裔作花凌早寒樹繁碧玉葉柯登黃金丸上都不可
 寄咀味獨長嘆

衆熙亭曉矚

長夏宜高明緩帶散煩窘憑軒一起然目與天俱盡山從雲端
 現日就林外隱風來草樹披烟生井間近自公况多暇冲臆無
 留蘊即此可晏居何須事遊軫

和賈相公覽杜工部北征篇

唐家六葉太平罷宮艷醉骨恬無憂孽詬 天翠華出糶糊戟

血腥九州乾，瘡坤痍四海。破白日殺氣，寒颼少陵背。賊走行
 枉採，柶拾橡，填饑喉。眼前亂離不忍見，作詩感慨陳大猷。北征
 之篇詞最切，讀者心隕如。搖翰莫肯念，亂小雅怨自然。流涕袁
 安愁才高位下，言不入憤氣鬱屈。蟠長蚪今日奔亡，匪天作向
 來顛倒。皆廟謀忠骸，佞骨相撐拄。一燎同盡悲，崑丘相君覽古
 慨前事。追歎子美真詩流，前王不見後王見。願以此語貽千秋
 贈楞嚴舒公上人

丈室錦城隈，庭間地徧苔。飯從香積取，花續少林開。講畫經殘
 葉，燈宵獨委煤。無嫌一時學，要是暮雲才。

長安道中悵然作二首

三輔古風烟，征驂悵未前。山園蓬顆外，賈山議始皇移葬言後世不得蓬顆蔽塚宮
 室黍離邊。樹老經唐日，碑殘刻漢年。便須真隕涕，不待雍門絃。

興亡作今古，事往始堪悲。宮破黃山在，城空北斗移。走岡寒兔
 隱啼，戎暮鴉饑。灞岸重回首，惟餘王粲詩。

過惠崇舊居

雖昧平生契，懷賢要可傷。生涯與薪盡，法意共燈長。遺画空觀
 貌，殘詩孰補亡。神期通一語，無乃困津梁。

贈清逸魏閒處士

奕世依嵩石，褒恩下帝庭。姓名高士傳，父子少微星。池溜遙通
 澗，家林近帶坳。分明詔書意，天極賜鴻冥。

答勸農李淵宗嘉州江行見寄

嘉月嘉州路，軻我接部船。山圍杜宇國，江入夜郎天。霽因溪流
 望涼供水閣，眠愧君舟楫。意遂欲濟長川。

中秋新霽壕水初滿自城東隅泛舟回謝公命賦

齋舫談經後官池載酒行斜陽鳥外落新月樹端生演漾思江浦夷猶繞郡城東轅有遺恨日想物華清

再游海雲寺作

十里雲邊寺重驅千騎來天形歌野盡江勢讓山回園柰濃成幄樓鐘近殷雷斜陽歸鞅促飛蓋冒輕埃

渡湘江

春過瀟湘渡真觀八景圖雲藏岳麓寺江入洞庭湖晴日花爭發豐年酒易沽長沙十萬戶遊女似京都

城隅晚意

寥々天意晚稍覺井閭閒水落呈全嶼雲生失半山牛羊樵路暗燈火客舟還暝思輸鳧鵠歸飛沆漭間

夏日陪提刑彭學士登周襄王故城

聊隨漢使者一上周王城片兩北郊晦殘陽西嶺明野禽呼自別香草問無名誰復忝離詠但多箕穎情

東晉

倉卒浮江日聲名健號初羣臣讓禁嚮上宰製丹練氣銳開桁戰心歡折屐書纖兒競撞壞不念好家居

僑居

公宇靜寥々居然俗意消展閒誰記齒帶適自忘腰畝首秋殘獲城西日暮樵比來行樂慣隨意度溪橋

臘後晚望

寒日繫難定鳴笳弄已休凍崖初辨馬昏谷自量牛漢樹臨關密湖泉入塞流登高能賦未風物古堯州

集江噴池 二首

五月追涼地滄江剩素連林烟昏暗日樓影壓池天篠密工迷
徑荷歌巧避船機忘更何事魚鳥亦留連
飛檻枕溪光觀言客徧觴暫雲銷樹影驟兩發荷香辛白橙藿
熟庖刀鱠縷長蘋風如有意盈衽借浮涼

將歸

雲棧短長亭今茲重作輕叩峽叱殘馭蜀分使回星旅鬢雙垂
雪羈懷一泛萍驪駒在門久此曲若為聽

遠假西南守三逢梅柳新衰令宦情薄老惜歲華頻那釀供銷
日已禽巧煥春離家何所恨雁後作歸人

登琴臺詩

故臺千古恨猶對舊家山半夜鸞凰去它年駟馬還死憂封禪
晚坐愛茂陵閨惟有飄飄氣仍存天地間

墨池

宅廢經池在人亡墨溜乾蟾蜍蕪滴破科斗共書殘蠹罷芸猶
翠蒸餘竹自寒它揚無可問撫物廢長嘆

西樓

炎氛隨日入岑寂坐還惟倦鷺昏投浦驚蟬夜去枝桂華蕪月
破槎影帶星移珍重窓風好宜人即此時

官下

東泊驂驪一駐車醜雲茱木澹扶疎鄭山有風經禦寇仙游外野
識禪謔草創餘賴谷寒烟仍井邑時門殘日但丘墟兩都大道
過從盛不稱支離佩左魚

洛陽春

寶樓斜倚闕西天北轉樓陰壓素連白雪久殘梁複道黃頭間

守漢樓船塵輕未損朝來霧樹暖才容臘外烟弭節不妨饒悵
應待歌魚藻記他年

寄題相臺太尉韓公畫錦堂

瑞節前驅書錦身堂成署榜示周民遷鶯賀燕睽翩集嘉樹甘
棠次第春漳岸夕波通沼溜魏臺曠日弄梁塵君看千古青編
上得意如公有幾人

寒食假中作

九門烟樹蔽春塵小雨初晴撥火前草色引開盤馬地蕭聲吹
暖賣錫天縈絲早絮輕無着弄袖和風細可憐鰲署侍臣貪出
沐珉縻珠餽愧頌宣

把酒

歌管嘈々月露前且將身世付醅然漫誇鼯鼠機頭箭不識醯

雞甕外天青史有人譏巧宦黃金無術治流年君看醉趣兼醒
趣始覺林均更可憐

余既到郡有詔仍修唐書寄局中諸僚

一章通奏領州麾詔許殘書得自隨吾黨成章真小子官家了
事是癡鬼昏眸視久花爭亂倦首搔餘雪半垂所願弟兄皆傑
筆劉生當見汗青期

真定述事

莫嫌屯壘是邊州試聽山河說上游帳下文書三幕府馬前鞞
韎五諸侯王藩故社經涂國俠窟餘風解報仇四十年来民緩
帶使君何事不輕裘

擬杜子美峽中意

天入虛樓倚百層四方遥謝此登臨驚風借壑為寒籟落日容

雲作暝陰峴井北拋王粲宅楚衣南逐女嬃砧十年不識長安道九籥宸開紫氣深

春宴行樂家園

園苑初乾小雨泥飲壺遊屐况親携身輕早蝶千回舞技養新禽百種啼乘飲草茵侵坐軟畏風桃綬向林低陽暉自有留人意街貽高樓未遽西

落花

墜素翻紅各自傷青樓烟雨忍相忘將飛更作隨風舞已落猶成半面粧滄海客歸珠迸淚章臺人去骨遺香可能無意傳雙蝶盡付芳心與密房

將到都先獻樞密太尉相公

再試州旗驗不才却將憔悴到中臺相車問罷同牛喘大廈成

時與燕來今日謀猷須丙魏他年賓客但鄒枚西園聳道餘春在尚及花前漱灑盃

和致政燕侍郎舟中寄晏尚書

異時仙閣對三休頓首辭榮動邃旒疏廣故僚供祖帳鷓夷盡室付歸舟側堦生玉懷懽宴列壁圖山代遠遊新句漸高塵累少紫芝巖曲要相求

送越州陸學士

梅天霞破候旗乾鄉樹依然越絕間挾策當年逢掖去懷章此日繡衣還亭餘內史浮觴水路入仙人取箭山牛酒盛誇先野宴不妨春詔得親頒

成都

風物繁雄古奧區十年僮父巧論都雲藏海客星間石花識文

君酒處壚兩劍作關屏對繞二江聯泓練平鋪此時全盛超西漢
還有淵雲作頌無

九日宴射

佳節憑高駐綵旗亭臯霧罷轉晨曦棚間羽集號猿後臺外塵
飛戲馬時芳菊治疴爭汎藥丹萸辟惡徧傳枝明年此會知何
處醉玉顏山不用辭

程密學知益州

墀塗畫對別堯奠細札芝泥襲綬馨三蜀舊臺呼輻寵十連新
府夢刀靈雲梯霽日明鈎棧雨閣蒼苔蝕劍銘只恐廉襦歌未
厭螢煌歸應六符星

題北樓

少城西北之高樓此地蒼茫天意秋驚風白日忽已晚落葉長

年相與愁極塞雲物自慘淡趨林鳥雀時啁啾纓上朔塵久不
洗安得手弄滄江流

蜀地海棠繁媚有加膩幹豐條苒弱可愛北方所未見諸
公作詩流播西人余素好玩不能自默然所道皆在前人
陳跡中如國風申章亦無愧云

蜀國天餘煦珍葩地所宜濃芳不隱葉並艷欲然枝襞綵分羣
萼均霞點萬蕤淺深雙絕態啼笑兩妍姿絳節排烟竦丹釭落
帶垂迴文錦官日傳信到邊池

余昔遊雲臺觀謁希夷先生陳搏祠堂緬想其人今追作

此詩

仙館三峯下年華百歲中夢休孤蝶往蛻在一蟬空藥笈微言
祕宵晨浩氣通丹遺砥後昂林遣御餘風宿霧沈荒白餘霞委

暗紅娥眉有歸約飛步與誰同

懷古眺望

城闈聊屬眺千古恨悠々夏亭空臺毀韓亡故社留廟祠旌頽
鳳溪水識菓牛春色依林動晨烟傍戍浮房騶閑自集田鶴叫
相求町篠黃綠密川葭霍靡柔櫟墟迷鄭鄙隗路隔軒遊感昔
如吾輩曾經幾斛愁

詠史

古有容々福人譏齷齪員生貪巧作奏死戒直如絃欲重高門
地非論媚竈天詩書大孺冢絲竹後堂梅東閣翻身馬西園竊
痊錢道謀誰執各戶選不因賢朱鼓成妖日華離入賀年須防
反室詔終取閭門憐異日諛成錦先時默似禪空貽後人嘆流
涕掩青編

覽蜀宮故作

國破江山老人亡岸谷推鳥飛今日屋鹿聚向特臺故苑猶霏
雪荒池但劫灰頽遺糊處壤闔記數殘枚恨月窺林下悲風覓
隴來依城孤獨速失厦燕徘徊廢社終存樹陰垣自上苔有情
惟杜宇長為故王哀

集海雲鴻慶寺

地勝祠仍古春餘物徧華山雲時抱石佛雨不萎花嶺挾樓梯
峻巖牽殿城斜淙谿雜環珮怪蔓走龍蛇供坐僧飛鉢香園客
戲沙吾游真草草深意屬青霞

次韻和李長學士正月二十八日出郊見寄之作

邦人以是日祠

保壽侯及唐杜丞相云

雅俗傳祠日年華重宴辰初陽澹江霧小雨破街塵客蓋浮輕

吹齊刀儼後塵林芳催兔目原色換龍鱗壤路歌聲雜禱倡舞
疊新持杯徧酬客惟欠眼中人

十日宴江濱亭

節去觀猶在賓來賞更延悠揚初短日淒緊乍寒天霽治元非
漲秋花自少妍蟻留新獻耐蕙續不殘烟戲鯉衝餘藻遊龜避
折蓮流芳真可惜從此遂凋年

浣花泛舟

早夏清和在晴江沿渚時岸風搖鼓吹波日亂旌旗醉帶牽緡
蔓游鬢撲絳旌樹來驚浦進山失悟舟移雅俗西南盛歸輅東
北馳此歡那復得拋恨寄天涯

重陽不見菊

蜀地秋高未擬寒翠苞如粒露華乾重陽已過君休恨留取金

英晚節看

過摩訶池二首

十頃隋家舊鑿池池平樹盡但廻堤清塵滿道君知否半是當
年濁年泥

池邊不見帛蘭船麥隴連雲樹繞天百歲興衰已如此爭教東
海不為田

九日食糕

飈館輕霜拂曙袍糗糒餐花影闌分曹劉即不敢題糕字空負詩
中一世豪

王珪

字禹玉成都華陽人後徙舒弱歲奇警出語驚人舉進士
通判揚州召直集賢院為監鐵判官遷知制誥為翰林學
士知開封府復召入為學士嘉祐中五皇子中書召珪草
詔珪曰此大事也非面受旨不可明日請對得上諭始屬

草歐陽修嘆曰此真學士也英宗在位之四年詔兼端明殿學士神宗即位遷學士承旨熙寧九年進同中書門下平章事拜左僕射哲宗朝封岐國公年六十七薨於位謚曰文莊詩文名世而相業無稱時號三旨宰相云

梅花

冷香疑到骨瓊艷幾堪餐半醉臨風折清吟拂曉觀贈春無限意和雪不知寒桃李有慚色枯枝託竝闌

依韵恭和聖製龍圖天章閣觀三聖御書

半夜傳君召西清閱帝文筆迴丹穴鳳歌起沛鄉雲御幄金蚪轉仙墀羽仗分為章自天縱况復睿心勤

和王原叔內翰懷有

暮鑰嚴温省宵鈴靜玉堂銀花無奈萎瑶草又還芳夢久聳仙笛班清犯曉霜帝閣何所叩一炷祝堯香

依韵恭賀聖製上元觀燈

雪消華月滿仙臺萬燭當樓寶扇開雙鳳雲中扶輦下六鼇海上駕山來鎬宮春酒霑周宴汾水秋風陋漢才一曲昇平人盡樂君王又進紫霞杯

次韵和元厚之平寇

詔收新土鳳林東四百年來一戰功蔥嶺自橫秦塞上金城還落漢圖中輕裘坐款無遺策折箭來庭有舊風零雨未濛音已捷不勞歸旅咏周公

聳仲諤貽米川大捷

神兵十萬忽乘秋西磧妖氛一夕收匹馬不嘶榆塞外長城自起玉關頭君王別繪凌烟閣將帥今輕定遠侯莫道人能報無國紅旗行去取涼州

金陵懷古

懷鄉訪古事悠々獨上江城滿目秋一鳥帶烟來別渚數帆和
雨下歸舟蕭々暮吹驚紅葉慘々寒雲壓舊樓故國淒涼誰與
問人心無復更風流

大饗明堂慶成

皇祐更秋律明堂奉帝禋粢盛雖薦德霜露本懷親於赫朝三
后思文秩百神九筵交玉幣重屋近星辰邃幄留飈御清壇墮
月津衣冠漢儀舊金石舜韶新受昨開宣室鳴鐘降紫宸羣陰
光復旦叶氣斗迴春靈貺叢千祝豐恩滲四垠慙非老詞筆徒
學煥堯文

和吳相公從駕至開寶寺慶壽崇因閣

崇因開寶構金碧畫相輝禁蹕隨曦馭層城轉斗機梵音獅子
吼妙相鶴王歸洛水浮神篆天花散御衣塔殿從地湧簷擗入
雲飛上行乘今果羣趨懼昨非慧珠常自照法雨編成霏但起
真如念梯梁不可幾

宮詞三十首

鼓角三聲夜奏嚴夕齋清廟宿重簾殿前太尉橫銀仗指點金
盆御水添

昨日龍輿幸寶文宸毫金軸展風雲前頭御印從頭拆重整牙
籤甲乙分

盤龍新織翠雲裘表簡點黃封玉匣收防備秋來供御著金箱捧
入曝衣樓

十三垂髻碧螺鬆學舞經年後苑中近日昭儀抄姓字一時宣
撥入東宮

麗日祥烟鎖禁林櫻桃初熟杏成陰年々翠輦來遊幸花落春

宮一寸深

夕宴中秋醉廣寒
閨風銀闕鎖三山
美人半夜歌明花
聲在玉壺天地間

六龍觀稼奉宸游
齊賀豐年薦麥秋
後苑宴同卿相出
內宮金盒送來麩

崇文殿裡勝蓬萊
繡柱扶天秘閣開
典籍校讐三館外
圖書多出禁中來

天外明河翻玉浪
樓西涼月湧金盆
香銷甲乙牀前帳
宮鎖玲瓏閉殿門

夜寒金屋篆烟飛
燈燭分明在紫微
漏永禁宮三十六
宴回爭踏月輪歸

晚吹翩翾動翠旗
爐烟千疊瑞雲飛
何人奏對偏移刻
御史天

香隔繡衣

金井秋啼絡緯聲
出花宮漏報嚴更
不知誰是金鸞直
玉宇沈沈夜氣清

紗幔薄垂金麥穗
簾鈎纖掛玉蔥條
樓西別起長春殿
香壁紅泥透蜀椒

翠鈿貼靨輕如葉
玉鳳雕釵嫋欲飛
拂曉賀來皇帝閣
綵衣金勝近龍衣

鎖聲金掣閤門環
簾捲西風十二間
別殿春風呼萬歲
中丞新押散朝班

御案橫金殿
幄紅扇開雲表
露天容太常奏備三千曲
樂府新調十二鐘

三月金明柳絮飛
岸花堤草弄春時
數船百戲催宣御
賜輦今

年不上池

內人稀見水鞦韆爭擘珠簾帳殿前第一錦標誰奪得右軍輸却小樓船

禁裏春濃笛自飛御蠶眠處弄新絲碧牕盡日教鸚鵡念得君王數首詩

御座垂簾繡額單冰山重疊貯金盤玉清迢遞無塵到殿角東西五月寒

釣線沈波漾彩舟爭魚芳餌上龍鈎內人急捧金盤接撥刺紅鱗躍未休

禁裏宮鶯曉未啼千牛仗下報班齊銀袍五百趨龍尾天子臨軒賜御題

內苑宮人學打毬青絲飛控紫華騮朝々結束防宣喚一樣真珠絡轡頭

後苑歸來月上初天歌吹引六鸞輿春風料峭餘寒重猶索金函覽奏書

中宮賜雪欲成峰滴露堆寒冷照空三十六牕明月夜嫦娥渾在水晶宮

兩班齊賀玉闕清新奏熙州曲破成画鼓連聲催擲徧玉人多半未知名

博士當年教玉笋六宮誰敢闕新聲如今舊曲無心理寶柱一行秋鴈橫

黃昏鎖院聽宣除翰長平明起起居撰就白麻先進草金泥降出內中書

雪晴鵲鵲樓邊月風落昭陽殿後梅爐炭炮消香獸暖獨拈香

箸撥紅灰

玉兔何年上月宮
夜深搗藥特無蹤
神丹不老嫦娥鬢
乞取刀圭駐玉容



